




宋板
 刻
 儀禮經傳
 續



□ 12
 2905
 2
 25



口 12
2905
2

儀禮經傳續卷第五


喪大記上五

補

大宗伯以喪禮哀死亡朝覲會同則為上相大喪亦如之。○小宗伯掌五禮之禁令與其用等凡國之大禮佐大宗伯凡小禮掌事如大宗伯之儀。○肆師之職凡卿大夫之喪相其禮凡國之大事治其禮儀以佐宗伯凡國之小事治其禮儀而掌其事如宗伯之禮。○職喪掌諸侯之喪及卿大夫士凡有爵者之喪以國之喪禮蒞其禁令序其事。○自天子達於庶人喪從死者祭從生者



喪禮四之上



水五味均子藏



儀禮經傳續卷第五

右總目

疾病外內皆埽君大夫徹縣士去琴瑟寢東首於北
牖下廢牀徹褻衣加新衣體一人男女改服屬纊以
俟絕氣男子不死於婦人之手婦人不死於男子之
手禮大○扶君卜人師扶右射人師扶左君薨以是
舉禮大○君於大夫疾三問之士疾一問之○卿大夫
疾君問之無筭士一問之記雜○君夫人卒於路寢太
夫世婦卒於適寢內子未命則死於下室遷尸于寢
士之妻皆死于寢禮大○始卒主人啼兄弟哭婦人
哭踊凡哭尸于室者主人二手承衾而哭禮大
右始死○二十有八載帝乃殂落百姓如喪考妣

三載四海過密八音禮大○惟四月哉生魄王不憚
甲子王乃洮頰水相被冕服憑玉几乃同召太保
爽內伯彤伯畢公衛侯毛公師氏虎臣百尹御事
王曰嗚呼疾大漸惟幾病且臻既彌留恐不獲誓
言嗣茲予審訓命汝昔若文王武王宣重光奠麗
陳教則肄肄不違用克達厥集大命在後之侗敬
迓天威嗣守文武大訓無敢昏逾今天降疾殆弗
興弗悟爾尚明時朕言用敬保元子釗弘濟于艱
難柔遠能邇安勸小大庶邦思夫人自亂於威儀
爾無以釗冒責于非幾茲既受命遂出綴衣于庭
越翼日乙丑王崩太保命仲相南宮毛俾爰齊侯

呂後以干戈虎賁百人逆子釗于南門之外延入
翼室恆宅宗廟○魯隱公十有一年冬十有一月
壬辰公薨公薨不地故也隱之不忍地也春秋穀
傳
○莊公三十二年八月癸亥公薨於路寢路寢正
寢也寢疾居正寢正也男子不絕於婦人之手以
齊終也同上僖公三十有三年公薨于小寢公如齊
反薨于小寢即安也左氏○小寢非正也轅梁○
文公十有八年壬二月丁丑公薨于臺下臺下非
正也同上○襄公三十有一年公薨于楚宮楚宮非
正也同上○定公十有五年公薨于高寢高寢非正
也同上

唯哭先復復而後行死事禮大○夏采掌大喪以冕
服復于大祖以乘車建綏復于四郊○祭僕大喪復
于小廟○隸僕大喪復于小寢大寢○君復於小寢
大寢小祖大祖庫門四郊禮○復有林麓則虞人設
階無林麓則狄人設階禮大○小臣復復者朝服君
以卷夫人以屈狄大夫以玄纁世婦以禮衣士以爵
弁士妻以稅衣皆弁自東榮中屋履危北面三號捲
衣投于前司服受之降自西北榮同上○復西上禮○
王府大喪共服衣裳○司服大喪共其復衣服皆掌
其陳序○復諸侯以褻衣冕服爵弁服禮○夫人稅
衣揄狄狄稅素紗內子以鞠衣褻衣素紗下大夫以

禮衣其餘如士

雜記

婦人復不以禭讓

大

○復衣不

以衣尸不以斂

同上

○復與書銘自天子達於士其辭

一也男子稱名婦人書姓與伯仲如不知姓則書氏

小○凡復男子稱名婦人稱字

讓大

天子崩復曰天

子復矣

禮曲

○諸侯復曰某甫復矣

同上

右復

司士作士掌事

右始死奠

鼓人大喪則詔大僕鼓○大僕大喪始崩戒鼓傳達

于四方○小宰以官府之六聯合邦治三曰喪荒之

聯事○大宗伯朝覲會同則為上相大喪亦如之○

大司寇凡朝覲會同前王大喪亦如之○師氏喪記

王舉則從○世婦凡王后有擗事於婦人則詔相○

大司馬大喪平士大夫○司士大喪作士掌事○宰

夫大喪小喪掌小官之戒令帥執事而治之○小宰

以法掌賓客之戒具喪亦如之○雞人大祭祀夜嘑

旦以詔百官喪紀亦如之○宰夫三公六卿之喪與

職喪帥官有司而治之凡諸大夫之喪使其旅帥有

司而治之○職喪掌諸侯之喪及卿大夫士凡有爵

者之喪以國之喪禮蒞其禁令序其事○虎賁氏國

有大故則守王門大喪亦如之○旅賁氏掌執戈盾

夾王車而趨喪紀則衰葛執戈盾○大司徒若國有

喪

大故則致萬民於王門令無節者不行於天下○司險國有故則藩塞阻路而止行者以其屬守之唯有節者達之○天子崩巷市七日諸侯薨巷市三日引禮

右戒臣民

射人大喪與僕人遷尸○王府大喪共角枕角柩○始死遷尸于牀幘用斂衾去死衣小臣楔齒用角柩綴足用燕几君大夫士一也喪大○幕人大喪其帷幕帶綬○委人喪紀共其木材

右遷尸楔齒綴足帷堂

父兄命赴者引禮○天子崩告喪曰天王登假禮曲○凡訃於其君曰君之臣某死父母妻長子曰君之臣某

之某死君訃於他國之君曰寡君不祿敢告於執事夫人曰寡小君不祿天子之喪曰寡君之適子某死大夫訃於同國適者曰某不祿訃於士亦曰某不祿訃於他國之君曰君之外臣寡大夫某死訃於適者曰吾子之外私寡大夫某不祿使某實訃於士亦曰吾子之外私寡大夫某不祿使某實士訃於同國大夫曰某死訃於士亦曰某死訃於他國之君曰君之外臣某死訃於士亦曰吾子之外私某死雜記

右命赴○君氏卒聲子也不赴于諸侯不反哭于寢不祔于姑故不曰薨不稱夫人故不言葬春秋左氏

傳○滕侯卒不書名未同盟也凡諸侯同盟於是稱名故薨則赴以名告終稱嗣也以繼好息民謂之禮經春秋左氏傳○葬蔡宣公卒何以名而葬不名卒從正而葬從主人卒何以日而葬不日卒赴而葬不告春秋公羊傳

唯天子之喪有別姓而哭檀弓○肆師大喪令外內命婦序哭○內宗大喪序哭者○九嬪若有賓客則從后大喪帥叙哭者亦如之○司士凡士之有守者令哭無去守○既正尸子坐于東方卿大夫父兄子姓立于東方有司庶士哭于堂下北面夫人坐于西方內命婦姑姊妹子姓立于西方外命婦率外宗哭于

堂上北面大夫之喪主人坐于東方主婦坐于西方其有命夫命婦則坐無則皆立士之喪主人父兄子姓皆坐于東方主婦姑姊妹子姓皆坐于西方喪大記

右哭位

小宰受其合祔幣玉

右受合祔幣玉
司常大喪共銘旌○書銘自天子達於士其辭一也
右為銘

窆人大喪之大澗設斗共其囊窆○鬱人大喪之澗共其肆器○肆師大喪大澗以窆則築鬻○典絲喪紀共其絲纒組文之物○內司服后之喪共其衣服

凡內具之物。○公襲卷衣一玄端一朝服一素積一
纁裳一爵弁二玄冕一褻衣一朱綠帶申加大帶於
上記雜○君錦冒黼殺綴旁七大夫玄冒黼殺綴旁五
士緇冒黼殺綴旁三凡冒質長與手齊殺三尺記喪大
○袍必有表不禪衣必有裳謂之一稱記○率帶諸
侯大夫皆五采士二采記雜○復衣不以衣尸○凌人
大喪共夷槃冰○君設大槃造冰馬大夫設夷槃造
冰馬士併瓦槃無冰設牀禮第有枕記喪大○典瑞大
喪共飯玉含玉○玉府大喪共含玉○舍人喪紀共
飯米○天子飯九貝諸侯七大夫五士三記雜○含一
沐襲一牀遷尸于堂又一牀皆有枕席君大夫士一

也記喪大

右陳沐浴襲飯含之具○申豐曰古者日在北陸
而藏冰西陸朝覲而出之其出之也朝之祿位賓
食喪祭於是乎用之記春秋左

小宗伯王崩大肆以柩記春○大祝大喪以肆記春
灑尸記春○小祝大喪贊灑記春○女御大喪掌沐浴記春
○管人汲不說繡屈之畫階不升堂授御者入浴小
臣四人抗衾御者二人浴浴水用盆沃水用料浴用
絺巾拒用浴衣如它日小臣爪足浴餘水棄于坎其
母之喪則內御者抗衾而浴管人汲授御者御者差
沐于堂上君沐梁大夫沐稷士沐梁甸人為篋于西

墻下陶人出重鬲管人受沐乃奠之甸人取所徹廟之西北扉薪用鬻之管人授御者沐乃沐沐用瓦盤拒用巾如宅日小巨爪手翦須濡濯棄于坎喪大記

右沐浴

大祝大喪相飯饔○大宰大喪贊含玉既

右飯含襲○鑿巾以飯公羊賈為之也○子羔之襲也繭衣裳與稅衣纁緇為一素端一皮弁一爵

弁一玄冕一曾子曰不襲婦服雜○孔子之喪公

西掌殯葬焉哈以疎米二貝襲衣十有一緇加朝

服一冠章甫之冠珮象環徑五寸而緝組綬記

之喪未小斂為寄公國賓出大夫之喪未小斂為

君命出土之喪於大夫不當斂則出凡主人之出也

徒跣扱衽拊心降自西階君拜寄公國賓于位大夫

於君命迎于寢門外使者升堂致命主人拜于下士

於大夫親弔則與之哭不逆於門外夫人為寄公夫

人出命婦為夫人之命出土妻不當斂則為命婦喪大記

○大夫之喪庶子不受弔禮

君受弔○宋成公如鄭鄭伯將享之間禮於皇武

子對曰宋先代之後也於周為客天子有事膳焉

有喪拜焉春秋左氏傳

小斂於戶內大斂於阼君以簞席大夫以蒲席士以

葦席喪大記○司服大喪共其斂衣服掌其陳序春官

小斂布絞縮者一橫者三君錦衾大夫縞衾士緇衾皆一衣十有九稱君陳衣於序東大夫士陳衣於房中皆西領北上絞紵不在列喪大○君無祔大夫士畢主人之祭服親戚之衣受之不以即陳小斂君大夫士皆用複衣複衾上○凡陳衣若實之篋取衣者亦以篋升降自西階凡陳衣不誥非列采不入締紵紵不入上○復衣不以斂○封人凡喪記則飾其牛牲地○牛人喪事共其奠牛地○國人喪紀共其生獸死獸之物地○獸人凡喪紀共其死獸生獸天○腊人喪紀共其脯腊凡乾肉之事○斂人喪紀共其色之龜鼈天○醢人凡祭祀共薦羞之豆實喪紀亦

如之天

右陳小斂衣奠

小斂主人即位于戶內主婦東面乃斂喪大○小宗伯王崩及執事涖小斂大斂帥異族而佐○大祝大喪贊斂禮○喪祝凡卿大夫之喪掌事而斂飾棺焉禮○君之喪大胥是斂衆胥佐之大夫喪大胥侍之衆胥是斂士之喪胥為侍士是斂喪大○凡斂者袒遷尸者襲上○士與其執事則斂斂馬則為之壹不食凡斂者六人上○小斂之衣祭服不倒上○小斂大斂祭服不倒皆左衽結絞不紐上○自小斂以往用夷衾夷衾質殺之裁猶冒也上○鋪絞紵踊鋪衾

踊鋪衣踊遷尸踊斂衣踊斂衾踊斂絞給踊同○斂者既斂必哭同○君撫大夫撫內命婦大夫撫室老撫姪婦君大夫馮父母妻長子不馮庶子士馮父母妻長子庶子庶子有子則父母不馮其尸凡馮尸者父母先妻子後君於臣撫之父母於子執之子於父母馮之婦於舅姑奉之舅姑於婦撫之妻於夫拘之夫於妻於昆弟執之馮尸不當君所凡馮尸興必踊同○君不撫僕妾雜記○君於大夫世婦為之賜則小斂焉夫人於世婦為之賜小斂焉○卒斂主人馮之踊主婦亦如之主人袒說髻括髮以麻婦人髻帶麻于房中同

右小斂

徹帷男女奉尸夷于堂降拜君拜寄公國賓大夫士拜卿大夫於位於士旁三拜夫人亦拜寄公夫人於堂上大夫內子士妻特拜命婦汜拜衆賓於堂上禮記○哭尸于堂上主人在東方由外來者在西方諸婦南鄉婦人迎客送客不下堂下堂不哭男子出寢門見人不哭其無女主則男主拜女賓于寢門內其無男主則女主拜男賓于阼階下子幼則以衰抱之人為之拜為後者不在則有爵者辭無爵者人為之拜在竟內則俟之在竟外則殯葬可也喪有無後無無主喪大記

右奉尸夷于堂拜賓

大祝大喪徹奠

右徹始死奠

主人即位襲帶經踊母之喪即位而免同乃奠弔者襲裘加武帶經與主人拾踊賓出徹帷喪大記

右襲帶經小斂奠

挈壺氏凡喪縣壺以代哭者皆以水火守之分以日夜○君喪虞人出木角狄人出壺雍人出鼎司馬縣之乃官代哭大夫官代哭不縣壺士代哭不以官喪大記

右代哭

委人喪紀共其薪蒸木材○司烜氏凡邦之大事共

墳燭庭燎○君堂上二燭下二燭大夫堂上一燭下

二燭士堂上一燭下一燭喪大記

右設燎

大斂於阼○大斂布絞縮者三橫者五布紿二衾君

大夫士一也君陳衣于庭百稱北領西上大夫陳衣

于序東五十稱西領南上士陳衣于序東三十稱西

領南上絞紿如朝服絞一幅為三不辟紿五幅無統

喪大記○大斂君大夫士祭服無筭君褶衣褶衾大夫

士猶小斂也同○典瑞駟圭璋璧琮琥璜之渠眉疏

璧琮以斂尸○君即位而為柁歲壹漆之藏焉檀弓○

天子之棺四重水兕革棺被之其厚三寸柩棺一梓
棺二四者皆周棺束縮二衡三衽每束一上同○君大
棺八寸屬六寸椁四寸上大夫大棺八寸屬六寸下
大夫棺六寸屬四寸士棺六寸君裏棺用朱綠用雜
金鑿大夫裏棺用玄綠用牛骨鑿士不綠喪大記○舍
人喪紀共熬穀○熬君四種八筐大夫三種六筐士
二種四筐加魚腊焉喪大記○幕人大喪共帷幕帶綬
三公及卿大夫之喪共其帶○掌次凡喪王則張帶
三重諸侯再重孤卿大夫不重○司几筵凡喪設葦
席右素几其柏席用萑蒲純諸侯則紛純每敦一几
凡凶事仍几

右陳大斂衣及殯奠之具○宋文公卒棺有翰檜
君子謂華元樂舉於是乎不臣○齊姜薨初穆姜
使擇美楨以自為觀與頌琴季文子取以葬君子
曰非禮也禮無所逆婦養姑者也虧姑以成婦逆
莫大焉春秋左傳○定如薨不殯于廟無櫬不虞匠
慶謂季文子曰子為正卿而小君之喪不成不終
君也君長誰受其咎初季孫為已樹六楨於蒲圃
東門之外匠慶請木季孫曰畧匠慶用蒲圃之楨
季孫不御君子曰志所謂多行無禮必自及也其
是之謂乎春秋左傳○宋元公將如晉旦召六卿曰
寡人不佞不能事父兄以為二三子憂若以羣子

之靈獲保首領以沒唯是楸柎所以籍幹者請無
及先君仲幾對曰宋國之法死生之度先君有命
矣羣臣以死守之弗敢失隊臣之失職常刑不赦
臣不忍其死君命祇辱宋公遂行已矣卒於曲棘
葬宋元公如先君禮也春秋左氏傳○凡諸侯薨於朝
會加一等死王事加二等於是乎有以袞斂○季
平子卒將以君之璵璠斂贈以珠玉孔子初為中
都宰聞之曆級而救焉曰送而以寶玉是猶曝尸
於中原也其示民以姦利之端而有害於死者安
用之且孝子不順情以危親忠臣不兆姦以陷君
乃止諫○孔子之喪公西掌殯葬焉桐棺四寸泊

棺五寸家語○孟子自齊葬於魯反於齊止於嬴克
虞請曰前日不知虞之不肖使虞敦匠事嚴虞不
敢請令願竊有請也木若以美然曰古者棺槨無
度中古棺七寸槨稱之自天子達於庶人非直為
觀美也然後盡於人心不得不可以為悅無財不
可以為悅得之為有財古之人皆用之吾何為獨
不然且比化者無使土親膚於人心獨無悛乎吾
聞之君子不以天下儉其親○魯平公將見孟子
嬖人臧倉曰孟子之後喪踰前喪君無見焉公曰
諾樂正子入見曰君奚為不見孟軻也曰或告寡
人曰孟子之後喪踰前喪是以不往見也曰何哉

君所謂踰者前以士後以大夫前以三鼎後以五鼎與曰否謂棺槨衣裳之美也曰非所謂踰也貧富不同也

大祝大喪徹奠

右徹小斂奠

君將大斂子弁經即位于序端卿大夫即位于堂廉楹西北面東上父兄堂下北面夫人命婦尸西東面外宗房中南西小臣鋪席商祝鋪絞給衾衣士盥于盤上士舉尸于斂上卒斂宰告子馮之踊夫人東面亦如之喪大記○夫人東面坐馮之興踊記○大夫之喪將大斂既鋪絞給衾衣君至主人迎先入門右巫

止於門外釋菜祝先入升堂君即位于序端卿大夫即位于堂廉楹西北面東上主人房外南面主婦尸西東面遷尸卒斂宰告主人降北面于堂下君撫之主人拜稽顙君降升主人馮之命主婦馮之士之喪將大斂君不在其餘禮猶大夫也喪大記○公視大斂公升商祝鋪席乃斂記○君於大夫世婦大斂焉於士為之賜大斂焉夫人於世婦大斂焉於諸妻為之賜大斂焉

右大斂

天子七日而殯諸侯五日而殯大夫三日而殯記○君大夫鬻爪實于絳中士埋之記○君蓋用漆三

衽三束大夫盖用漆二衽二束士盖不用漆二衽二

束上同○天子之殯也最塗龍輅以樽加斧于樽上畢

塗屋天子之禮也禮○君殯用輅橫至于上畢塗屋

大夫殯以輅橫置于西序塗不暨于棺士殯見衽塗

上帷之禮○甸師喪事代王受青裁詁○大祝大

喪言甸人讀禱請○小祝設熬置銘請

右殯○布幕衛也繆幕魯也○孺子輅之喪哀公

欲設撥問於有若若曰其可也君之三臣猶談

之類柳曰天子龍輅而停禱諸侯輅而設禱而榆

沈故設撥三臣者廢輅而設撥竊禮之不中者也

而君何學焉禮○惟殯非吉也自致姜之哭穆伯

始也上同

天子諸侯之喪斬衰者奠大夫齊衰者奠

右大斂奠

小宗伯辨吉凶之五服○司服掌王之吉凶衣服○

大僕喪紀正王之服位詔灋儀○內司服凡祭祀賓

客共后之衣服及九嬪世婦凡命婦共其衣服共喪

衰亦如之詁○追師掌王后之首服為九嬪及外內

命婦之首服以待祭祀賓客喪紀共筭經亦如之官天

○內宰凡喪事佐后使治外內命婦正其服位詁○

諸子大喪正羣子之服位○肆師禁外內命男女之

衰不中灋者且授之杖請○天子崩三日祝先服五

衰

衰

衰

衰

日官長服七日國中男女服三月天下服檀○君之喪三日子夫人杖五日既殯授大夫世婦杖記○大夫之喪三日之朝既殯主人主婦室老皆杖上同○士之喪二日而殯三日之朝主人杖婦人皆杖上同○子皆杖不以即位上同○公之喪諸達官之長杖檀○

右成服

君於大夫世婦大斂焉為之賜則小斂焉於外命婦既加蓋而君至於士既殯而往為之賜夫斂焉夫人於世婦大斂焉為之賜小斂焉於諸妻為之賜大斂焉於大夫外命婦既殯而往大夫士既殯而君往焉使人戒之主人具殷奠之禮俟于門外見馬首先入

門右巫止于門外祝代之先君釋菜于門內祝先升自阼階負墉南面君即位于阼小臣二人執戈立于前二人立于後擯者退主人拜稽顙若稱言視祝而踊主人踊大夫則奠可也士則出俟于門外命之反奠乃反奠卒奠主人先俟于門外君退主人送于門外拜稽顙君於大夫疾三問之在殯三往焉士疾一問之在殯一往焉君弔則復殯服夫人弔於大夫士主人出迎于門外見馬首先入門右夫人入升堂即位主婦降自西階拜稽顙于下夫人視世子而踊奠如君至之禮夫人退主婦送于門內拜稽顙主人送于大門之外不拜大夫君不迎于門外入即位于堂

下主人北面衆主人南面婦人即位于房中若有君命命夫命婦之命四鄰賓客其君後主人而拜君弔見尸柩而後踊大夫士若君不戒而往不具設奠君退必奠喪大記

右殯後受弔

天府凡國之玉鎮大寶器藏焉若有大祭大喪則出而陳之既事藏之諸○典路若有大祭祀則出路贊駕說大喪亦如之禮記

右陳寶器乙丑王崩丁卯命作冊度越七日癸酉伯相命士須材狄設黼裳綴衣牖間南向敷重篋席黼純華玉仍几西序東嚮敷重底席綴純文貝

仍几東序西嚮敷重豐席畫純彫玉仍几西夾南嚮敷重筍席玄紛純漆仍几越玉五重陳寶赤刀大訓弘璧琬琰大玉夷玉天球河圖在東序胤之舞衣大貝鼗鼓在西房充之戈和之弓垂之竹矢在東房大輅在賓階面綴輅在阼階面先輅在左塾之前次輅在右塾之前二人雀弁執惠立于畢門之內四人綦弁執戈上刃夾兩階阼一人冕執劉立于東堂一人冕執鉞立于西堂一人冕執戣立于東垂一人冕執瞿立于西垂一人冕執銳立于側階王麻冕黼裳由賓階濟御士亦君麻冕蟻裳入即位太保太史太宗皆麻冕彤裳太保承介

主上宗奉同瑁由阼階齊太史秉書由賓階齊御
王冊命曰皇后憑玉几道揚末命命汝嗣訓臨君
周邦率循大卞燮和天下用吞揚文武之光訓王
再拜興吞曰眇眇予末小子其能而亂四方以敬
忌天威乃受同瑁王三宿三祭三咤上宗曰饗太
保受同降盟以異同秉璋以酢授宗人同拜王吞
拜太保受同祭齊宅授宗人同拜王吞拜太保降
收諸侯出廟門俟書顧○康王既尸天子遂誥諸
侯作康王之誥康王之誥王出在應門之內太保
率西方諸侯入應門左畢公率東方諸侯入應門
右皆布乘黃朱實稱奉主兼幣曰一二臣衛敢

壤奠皆再拜稽首王義嗣德吞拜太保暨芮伯咸
進相揖皆再拜稽首曰敢敬告天子皇天改大邦
殷之命惟周文武誕受爰若克恤西土惟新陟王
畢協賞罰戡定厥功用敷遺後人休今王敬之哉
張皇六師無壞我高祖寡命王若曰庶邦侯甸男
衛惟予一人釗報誥昔君文武丕平富不務咎底
至齊信用昭明于天下則亦有熊羆之士不二心
之臣保又王家用端命于上帝皇天用訓厥道付
界四方乃命建侯樹屏在我後之人今予一二伯
父尚胥暨顧綏爾先公之臣服于先王雖爾身在
外乃心罔不在王室用奉厥若不遺鞠于羞羣公

既皆聽命相揖趨出王釋冕反喪服○成湯既沒
 太甲元年伊尹作伊訓惟元祀十有二月乙丑伊
 尹祠于先王奉鬯王祗覯厥祖侯甸羣后咸在百
 官總己以聽冢宰○春秋文公九年毛伯來求金
 何以不稱使當喪未君也踰年矣何以謂之未君
 即位矣而未稱王也未稱王何以知其即位以諸
 侯之踰年即位亦知天子之踰年即位也以天子
 三年然後稱王亦知諸侯於其封內三年稱子也
 踰年稱公矣則曷為於其封內三年稱子緣終始
 之義一年不二君緣臣民之心不可曠年無君緣
 孝子之心則三年不忍當也傳羊 文公元年春

王正月公即位○定公元年夏六月公之喪至自
 乾侯戊辰公即位傳左氏 ○癸亥公之喪至自乾侯
 則曷為以戊辰之日然後即位正棺於兩楹之間
 然後即位傳羊 ○沈子曰正棺乎兩楹之間然後
 即位也內之大事日即位君之大事也其不日何
 也以年決者不以日決也此則其日何也踰年即
 位厲也於厲之中又有義焉未殯雖有天子之命
 猶不敢况臨諸臣乎周人有喪魯人有喪周人弔
 魯人不弔周人曰固吾臣也使人可也魯人曰吾
 君也親之者也使大夫則不可也君至尊也去父
 之殯而往弔猶不敢况未殯而臨諸臣乎梁○

月正元日舜格于文祖○惟三祀十有二月朔伊尹以免服奉嗣王歸于亳

居倚廬不塗君為廬宮之大夫士禮之喪大○宮正

大喪則授廬舍辨其親疎貴賤之居官

右居廬○書曰高宗梁闇三年不言何謂梁闇也

傳曰高宗居凶廬三年不言此之謂梁闇子張曰

何謂也孔子曰古者君薨王世子聽于冢宰三年

不敢服先王之服履先王之位而聽焉以民臣之

義則不可一日無君矣不可一日無君猶不可一

日無天也以孝子之隱乎則孝子三年弗居矣故

曰義者彼也隱者此也遠彼而近此則孝子之道

備矣○滕定公薨世子五月居廬未有命戒百官

族人可謂曰知

外宗大喪則斂外內朝莫哭者請○世婦大喪三年

內命婦之朝莫哭不敬者而苛罰之請○朝夕哭不

帷雜記○士備入而后朝夕踊禮

右朝夕哭

大祝徹奠

右徹大斂奠

司服大喪共其奠衣服請

右朝夕奠

邊人喪事共其薦邊羞邊○天子諸侯之喪斬衰

者奠大夫衰齊者奠○外饗凡小喪紀陳其鼎俎而實之馔

右朔月月半駁奠

小宗伯及執事眡葬獻器遂哭之卜葬兆甫窆亦如之諫○冢人掌公墓之地辨其兆域而為之圖先王之葬居中以昭穆為左右凡諸侯居左右以前卿大夫士居後各以其族凡死於兵者不入兆域凡有功者居前以爵等為丘封之度與其樹數大喪既有日請度甫窆遂為之尸及窆以度為丘隧凡諸侯及諸臣葬於墓者擇之兆同○葬於北方北首禮○龜人若有祭事則奉龜以往喪亦如之諫○大卜凡喪事

命龜諫○大夫卜宅與葬日自司麻衣布衰布帶因

喪屨緇布冠不鞋占者皮弁如筮則史練冠長衣以

筮占者朝服記雜○大夫之喪大宗人相小宗人命龜

卜人作龜記雜

右卜宅○周公在豐將沒欲葬成周公薨成王葬

于畢記○太公封於營丘比及五世皆反葬於周

○成子高寢疾慶遺入請曰子之病革矣如至乎

大病則如之何子高曰吾聞之也生有益於人死

不害於人吾縱生無益於人吾可以死害於人乎

哉我死則擇不食之地而葬我焉禮○公叔文子

升於瑕丘遽伯玉從文子曰樂哉斯丘也死則我

欲葬焉遽伯玉曰吾子樂之則瑗請前上同

虞人致百祀之木可以為棺椁者斬之不至者廢其

祀勿其人檀柏椁以端長六尺檀○君松椁大夫柏

椁士雜木椁棺椁之間君容祝大夫容壺士容甒君

裏椁虞筐大夫不裏椁士不虞筐喪大

右井椁○顧命越七日癸酉伯相命士須材○宋

元公卒椁有四阿君子謂華元樂舉於是乎不臣

○晉魏舒合諸侯之大夫于狄泉將以城成周魏

獻子屬役於韓簡子反原壽過而田於大陸焚焉

還卒於甯范獻子去其柏椁以其未復命而田也

春秋左○昔者夫子居於宋見桓司馬自為石椁

三年而不成夫子曰若是其靡也死不如速朽之

愈也禮

小宗伯王崩及執事眡葬獻器遂哭之

右獻明器

天子崩七月而葬諸侯五月而葬大夫二月而葬禮

士三月而葬是月也卒哭大夫三月而葬五月而

卒哭諸侯五月而葬七月而卒哭雜

右卜葬日○隱公三年葬宋繆公葬者曷為或日

或不日不及時而日渴葬也不及時而不日慢葬

也過時而日隱之也過時而不日謂之不能葬也

當時而不日正也當時而日危不得葬也公羊○

宣公八年葬敬嬴禮十葬先遠日辟不懷也傳左氏

儀禮經傳續卷第五

天子崩士凡而葬於墓也卒哭於外三月而葬五日而
卒哭於廟五月而葬也卒哭於外三月而葬五日而葬
天子崩士凡而葬於墓也卒哭於外三月而葬五日而葬
天子崩士凡而葬於墓也卒哭於外三月而葬五日而葬
天子崩士凡而葬於墓也卒哭於外三月而葬五日而葬
天子崩士凡而葬於墓也卒哭於外三月而葬五日而葬
天子崩士凡而葬於墓也卒哭於外三月而葬五日而葬
天子崩士凡而葬於墓也卒哭於外三月而葬五日而葬
天子崩士凡而葬於墓也卒哭於外三月而葬五日而葬
天子崩士凡而葬於墓也卒哭於外三月而葬五日而葬

儀禮經傳續卷第六

喪大記下六

喪禮四之下

補

世婦掌喪紀之事帥女宮而濯概為盥盛○內豎若有喪紀之事則為內人躡

右陳朝祖奠

喪祝及辟人啓小喪亦如之

右啓

閤人喪紀之事設門燎躡宮門廟門○士師諸侯為賓則帥其屬而躡于王宮大喪亦如之○內豎王后之喪遷于宮中則前躡○大司寇前王大喪亦如之

○小司寇前王而辟后世子之喪亦如之○問胥凡喪紀之數聚衆庶○大司徒大喪帥六鄉之衆庶屬其六引而治其政令○遂人大喪帥六遂之役而致之及葬帥而屬六綽及窆陳役○小司徒大喪帥邦役治其政教○鄉師大喪用役則帥其民而至遂治之○喪祝及朝御匱小喪亦如之○升正柩諸侯執綽五百人四綽皆銜枚司馬執鐸左八人右八人匠人執羽葆御柩大夫之喪其升正柩也執引三百人執鐸者左右各四人御柩以茅雜○喪祝乃奠小喪亦如之○天府凡吉凶之事祖廟之中沃盥執燭○遂師大喪共僮車之役○稍人大喪帥僮車與其役

以至掌其政令以聽於司徒○巾車小喪共匱路○祥車曠左禮曲○圉人凡賓客喪紀牽馬而入陳厥馬亦如之○士喪有與天子同者三其終夜燎及乘人專道而行禮士喪

右朝祖奠薦車馬○叔孫豹卒杜洩將以路葬且盡卿禮季孫使杜洩舍路不可曰夫子受命於朝而聘於王王思舊勲而賜之路復命而致之君君不敢逆王命而復賜之使三官書之吾子為司徒實書名夫子為司馬與工正書服孟孫為司空以書勲今死而弗以是棄君命也書在公府而弗以是廢三官也若命服生弗敢服死又不以將焉用

之遂使以葬

春秋左氏傳

○鄭公孫蔓卒赴於晉晉侯

善於伐秦也

春秋左氏傳

六月晉侯請於王王追賜之大路使

以行禮也

春秋左氏傳

喪祝及祖飾棺乃載小喪亦如之

右載

縫人掌縫棺飾焉衣柳翬之材○飾棺君龍帷三池

振容黼荒火三列黼三列素錦褚加偽荒纁紐六齊

五采五貝黼翬二黻翬二畫翬二皆戴圭魚躍拂池

君纁戴六纁披六大夫畫帷二池不振容畫荒火三

列黻三列素錦褚纁紐二玄紐二齊三采三貝黻翬

二畫翬二皆戴綏魚躍拂池大夫戴六纁後玄披亦

如之士布維布荒一池渝絞纁紐二緇紐二齊三采

一貝畫翬二皆戴綏士戴前纁後緇二披用纁喪大記

○大夫不揄絞屬於池下雜記天子七月而葬五重八

翬諸侯五月而葬三重六翬大夫三月而葬再重四

翬禮記○有虞氏之綏夏后氏之綢練殷之崇牙周之

璧翬○喪祝凡卿大夫之喪掌事而飾棺焉

右飾棺○孔子之喪公西赤為志焉飾棺墻置翬

設披周也設崇殷也綢練設旒夏也檀弓

司服大喪共其廡衣服○司常大喪建廡車之旌及

葬亦如之○車僕大喪廡革車○巾車大喪飾遣車

遂廡之行之○司裘大喪廡裘飾皮車○校人大喪

飾遣車之馬及葬埋之。○圉人凡喪紀廡馬。○遣車視牢具。○君之適長殤車三乘。○之庶長殤車一乘。○大夫之適長殤車一乘。○司兵大喪廡五兵。○司弓矢大喪共明弓矢。○司干大喪廡舞器及葬奉而藏之。○樂師凡喪陳樂器則帥樂官。○大師樂大喪。○笙師大喪廡樂器及葬奉而藏之。○眠踪大喪廡樂器。○笙師大喪廡樂器及葬奉而藏之。○簫師大喪廡其樂器奉而藏之。○典庸器大喪廡筥。○

右陳明器。○曾子曰：晏子可謂知禮也。已恭敬之。有焉。右曰：晏子一狐裘二十年遣車一乘及墓而反。國君七個遣車七乘。大夫五个遣車五乘。晏子焉。知禮。曾子曰：國無道，君子恥盈禮焉。國奢則示之以儉，國儉則示之以禮。○宋襄公葬其夫人，醯醢百甕。曾子曰：既曰明器矣，而又實之。同喪祝及祖飾棺遂御。

右祖奠

大師大喪帥瞽而廡作匱謚。○瞽朦誦詩世奠繫鼓琴瑟。○小師大喪與廡。○大祝作六辭以通上下。親踈遠近六曰誄。○大史大喪遣之日讀誄。凡喪事攷焉。小喪賜謚。○小史大喪佐大使卿大夫之喪賜謚。讀誄。○惟周公旦、太公望、闡、嗣王發、建功于牧野。

及終將葬乃制謚法謚者行之迹號者功之表車服者位之章也是以大行受大名細行受小名行出於己名生於人壹民無為曰神一德不懈曰簡靖民則法曰皇平易不貲曰簡德象天地曰帝尊賢貴義曰恭仁義歸往曰王敬事供上曰供立志及衆曰公尊賢敬讓曰恭執應八方曰侯既過能改曰恭賞慶刑威曰君執事堅固曰恭平正不阿曰君愛民長弟曰恭揚善賦簡曰聖執禮御賓曰恭敬祀享禮曰聖訖親之闕曰恭照臨四方曰明尊賢讓善曰恭潛訴不行曰明威德悉備曰欽經緯天地曰文大慮慈民曰定道德博文曰文純行不差曰定學勤好問曰文安

民大慮曰定慈惠愛民曰文安民法古曰定愍民惠禮曰文闢土有德曰襄賜民爵位曰文甲冑有勞曰襄綏柔土民曰德小心畏忌曰僖諫慮不威曰德有伐而還曰釐剛強直理曰武質淵受諫曰僖威強直德曰武溫柔賢善曰懿克定禍亂曰武心能制義曰度刑民克服曰成聰明啟哲曰獻夸志多窮曰武智質有聖曰獻安民立政曰成五宗安之曰孝淵源流通曰康慈惠愛親曰孝溫年好樂曰勤協時肇厚曰孝秉德不回曰孝安樂撫民曰康令民安樂曰康執心克壯曰齊布德執義曰穆輕輜供就曰齊中情見貌曰穆甄心動懼曰頃容儀供美曰昭敏以敬慎曰

項昭德有勞曰昭柔德衆曰靜聖善周聞曰宣供
己解言曰靖治而無省曰平寬樂令終曰靖執事有
制曰平威德剛武曰圍布網治已曰平彌年壽考曰
胡忠義而濟曰景保民耆父曰胡耆意大慮曰景疆
毅果敢曰剛布義行剛曰景追補前過曰剛清白守
節曰貞猛以剛果曰威大慮克就曰貞不隱無屏曰
貞彊毅執正曰威闢土服遠曰桓治典不殺曰祈克
敬動民曰桓大慮行節曰孝闢土兼國曰桓治民克
盡曰使能思辯衆曰元好和不爭曰安行義說先曰
元道德純一曰思始建國都曰元大省兆民曰思主
義行德曰元外內思索曰思聖善周聞四宣追悔前
過曰思兵革亟作曰壯行見中外曰愨其圍克服曰
壯狀古述今日譽勝敵克亂曰壯昭公寧民曰商死
於原野曰壯克殺秉正曰夷屢征殺伐曰壯安民好
靜曰夷武而不遂曰壯執義揚善曰懷柔賢慈民曰
惠慈仁短折曰懷愛民好與曰惠述義不克曰丁夙
夜敬戒曰敬述事不弟曰丁夙興恭事曰敬有功安
民曰烈象方益平曰敬秉德尊業曰烈令善典法曰
敬剛克為伐曰翼剛德克就曰肅思慮深遠曰翼執
心決斷曰肅外內貞復曰白不生其國曰聲不勤成
名曰靈未家短折曰傷死而志成曰靈愛民好治曰
戴死見神能曰靈曲禮不倦曰戴亂治不損曰靈短

折不成曰傷好祭鬼交曰靈隱拂不成曰隱極知鬼
事曰靈不顯尸國曰隱見美堅長曰隱殺戮無辜曰
厲官人應實曰知復很遂過曰刺肆行勞祀曰悼不
忌忘愛曰刺年中蚤夭曰悼早孤短折曰哀凶年無
穀曰穰好率動民曰躁外內從亂曰荒不悔前過曰
戾好樂怠政曰荒怙威肆行曰醜在國遭憂曰愍雅
過不通曰幽在國逢難曰愍早孤銷位曰幽禍亂方
作曰愍動祭亂常曰幽使民悲傷曰愍柔質受諫曰
慧貞心大度曰斥名實不爽曰質德正應和曰莫温
良好樂曰良施勤無私曰惠慈和徧服曰順思慮果
敢曰趨博聞多能曰慮盡於賜與曰愛滿志多窮曰
戈危身奉上曰忠思慮不爽曰原克威棲行曰魏好
內遠禮曰煬克威順禮曰魏好內怠政曰煬怠政外
交曰攜遠禮遠衆曰場教誨不倦曰長疏遠繼位曰
遠肇敏行成曰直彰義掩過曰堅內外賓服曰正華
言無實曰夸好廉自克曰節逆大虐民曰炕好更改
舊曰易名與實爽曰終愛民在刑曰克擇善而從曰
比除殘去虐曰湯亂而不損為靈隱哀之力也景武
之力也施為文除武也辟地為襄服遠為拓剛克為
發柔克為懿履正為莊有遇為僖施而不私為宣鄉
惠無內德為獻由義而濟為景矢志無輔則以其明
餘皆象也法○賤不誅貴幼不誅長禮也唯天子稱

天以諫之諸侯相諫非禮也贈子。幼名冠字五十以伯仲死謚周道也。禮。古者五十而后爵死而謚今也古者生無爵死無謚。郊持

右謚諫。春秋莊公元年王使榮叔來錫桓公命左氏。昭公七年衛侯惡卒衛齊惡告喪于周且

請命王使成簡公如衛弔且追命襄公曰叔父陟恪在我先王之左右以佐事上帝余敢忘高圉亞圉。左氏。楚子疾告大夫曰不穀不德少主社稷

生十年而喪先君未及習師保之教訓而應受多福是以不德而亡師于鄢以辱社稷為大夫憂其弘多矣若以大夫之靈獲保首領以沒於地唯是

春秋寔宥之事所以從先君於禰廟者請為靈若厲大夫擇焉莫對及五命乃許秋卒子襄謀謚大夫曰君有命矣子襄曰君命以共若之何毀之赫赫楚國而君臨之撫有蠻夷奄征南海以厲諸夏而知其過可不謂共乎請謚之共大夫從之。春秋左氏

傳。魯莊公及宋人戰于乘丘縣賁父御。卜國為君馬驚敗績公隊佐車授綏公曰未之卜也縣賁父曰他日不敗績而今敗績是無勇也遂死之。圍人浴馬有流矢在白肉公曰非其罪也遂諫之士之有諫自此始也。檀弓。公叔文子卒其子戍請謚於君曰日月有時將葬矣請所以易其名者君

曰昔者衛國凶饑夫子為粥與國之餓者是不亦
惠乎昔者衛國有難夫子以其死衛寡人不亦貞
乎夫子聽衛國之政修其班制以與四鄰交衛國
之社稷不辱不亦文乎故謂夫子貞惠文子強
魯哀公誅孔丘曰天不遺耆老莫相予位焉嗚呼
哀哉尼父詞○孔丘卒公誅之曰昊天不弔不愍
遺一老俾屏予一人以在位筑菴余在疚嗚呼哀
哉尼父無自律子贛曰夫子之言曰禮失則昏名
失則愆失志為昏失所為愆生不能用死而誅之
非禮也稱一人非名也君兩失之春秋左氏傳
大司馬喪祭奉詔馬牲夏○司尊彝大喪存奠彝春

○鬱人夫喪及葬共其裸器遂貍之詞○小祝大喪
及葬設道齋之奠分禱五祀詞

右大遣奠

量人掌喪祭奠器之俎實頤○大夫之喪既薦馬薦
馬者哭踊出乃包奠而讀書雜記

右包奠讀贈

遂師大喪使帥其屬以幄帟先道野役詞○鄉士大喪
紀各掌其鄉之禁令帥其屬夾道而蹕秋○方相氏
大喪先匱頤○喪祝及葬御匱出宮乃伐小喪亦如
之諸○鄉師及葬執纛以與匠師御匱而治役詞司
士作六軍之士執披頤○喪祝掌大喪勸防之事小

喪亦如之春○大史大喪執灋以泣勸防春○中車
大喪及葬執蓋從車持旌春○御僕大喪持翣夏○
女御后之喪持翣天○冢人大喪及葬言鸞車象人
春○虎賁氏及葬從遣車而哭頤○內豎王后之喪
及葬執執器以從遣車天○君葬用輜四綳二碑御
棺用羽葆大夫葬用輜二綳二碑御棺用茅士葬用
國車二綳無碑比出宮用功布喪大○喪祝凡卿大
夫之喪掌事而致飾棺焉春○鄉士三公有邦事則
為之前驅而辟其喪亦如之秋○遂士六卿有邦事
則為之前驅而辟其喪亦如之秋○縣士大夫有邦
事則為之前驅而辟其喪亦如之秋○士喪有與天

子同者三其終夜燎及乘人專道而行

右柩行○季子臯葬其妻犯人之禾申祥以告曰

請庚之子臯曰孟氏不以是罪予朋友不以是弃

予以吾為邑長於斯也買道而葬後難繼也禮○

鄭簡公卒將為葬除及游氏之廟將毀焉子大叔

使其除徒執用以立而無庸毀曰子產過女而問

何故不毀乃曰不忍廟也諾將毀矣既如是子產

乃使辟之司墓之室有當道者毀之則朝而塲弗

毀則日中而塲子大叔請毀之曰無若諸侯之實

何子產曰諸侯之宥能來會吾喪豈但日中無損

於賓而民不害何故不為遂弗毀日中而葬君子

謂子產於是子知禮禮無毀人以自成也春秋左氏傳

○葬敬贏旱無麻始用葛第春秋左氏傳 ○吳伐齊將

戰公孫夏命其徒歌虞殯左氏傳

中車大喪及墓嘒啓關陳車諸 ○方相氏大喪及墓

入壙以戈擊四隅歐方良顧 ○喪祝及壙說載除飾

小喪亦如之諸 ○掌蜃掌斂互物蜃物以共闈壙之

蜃地 ○稻人喪紀共其葦事地 ○澤虞喪紀共其葦

蒲之事地 ○掌荼掌以時聚荼以共喪事地

右至壙

家人共喪之窆器 ○凡封用綍去碑負引君封以衡

大夫士以咸君命毋諱以鼓封大夫命毋哭士哭者

相止也喪大記 ○鼓人詔大僕鼓 ○大僕大喪始崩戒

鼓窆亦如之 ○遂師大喪及窆抱磨兵兵籠及蜃車

之役地 ○鄉師及窆執斧以泣匠師地 ○家人及窆

執斧以泣遂人藏凶器正墓位躡墓域守墓禁諸 ○

司常建窆車之旌及葬亦如之 ○樂師凡喪陳樂器

則帥樂官及序哭亦如之諸 ○大司樂泣藏樂器 ○

笙師廢樂器及葬奉而藏之同 ○罇師廢樂器奉

而藏之同 ○籥師廢樂器奉而藏之同 ○司干廢舞

器奉而藏之同 ○校人飾遣車之馬及葬埋之同 ○

典瑞大喪共贈玉諸 ○大宰大喪贊贈玉 ○小宗伯

成葬而祭墓為位諸 ○家人凡祭墓為尸諸 ○家人

凡諸侯及諸臣葬於墓者為之蹕均其禁○大夫廢其事終身不仕死以士禮葬之制

右寔○宣公八年冬十月己丑葬我小君敬嬴雨不克葬禮也禮卜葬先遠日辟不懷也春秋左氏傳

既有日不為雨止禮也雨不克葬喪不以制也梁穀傳○定公十有五年秋九月丁巳葬我君定公雨

不克襄事禮也春秋左氏傳葬既有日不為雨止禮也雨不克葬喪不以制也戊午日下稷乃克葬乃急

辭也不足乎日之辭也梁穀○孔子為中都宰先時季氏葬昭公於墓道之南孔子溝而合諸墓焉

謂季栢子曰貶君以彰已罪非禮也今合之所以拚夫子之不臣諫○晉文公既定襄王于郊王勞

之以地辭請隧焉王弗許曰昔我先王之有天下也亦唯是先王之服物采章以臨長百姓而輕重

布之王何異之有若不然叔父有地而隧焉余安能知之文公遂不敢請受地而還梁穀○許穆公卒

于師葬之以侯禮也○臧僖伯卒公曰叔父有憾於寡人寡人弗敢忘葬之加一等春秋左氏傳○宋文

公卒始厚葬用蜃炭益車馬始用殉重器備槨有四阿棺有翰檜君子謂華元樂舉於是乎不臣臣

治煩去惑者也是以伏死而爭今二子者君生則縱其惑死又益其侈是棄君於惡也何臣之為春秋

傳左氏 ○季康子之母死公輸若方小斂般請以機封將從之公肩假曰不可夫魯有初公室視豐碑三家視栢楹般爾以人之母嘗巧則豈不得以其母以嘗巧者乎則病者乎噫弗果從殯 ○陳乾昔寢疾屬其兄弟而命其子尊已曰如我死必大為我棺使吾二婢子夾我陳乾昔死其子曰以殉葬非禮也况又同棺乎弗果殺上同 ○陳子車死於衛其妻與其家大夫謀以殉葬定而后陳子亢至以告曰夫子疾莫養於下請以殉葬子亢曰以殉葬非禮也雖然則彼疾當養者孰若妻與宰得已則吾欲已不得已則吾欲以二子者之為之也於是

弗果用上同 ○秦伯任好卒以子車氏之三子奄息仲行鍼虎為殉皆秦之良也國人哀之為之賦黃鳥君子曰秦穆之不為盟主也宜哉死而棄民先王違世猶詒之法而况奪之善人乎君子是以知秦之不復東征也春秋左氏傳

士三虞大夫五諸侯七雜記 ○小宗伯王崩既葬詔相喪祭之禮禮記 ○職喪掌諸侯之喪及卿大夫士凡有爵者之喪凡其喪祭詔其號治其禮凡公宥司之所共職喪令之趣其事禮記 ○司巫祭祀則共植館禮記 ○甸師祭祀共蕭茅禮記 ○鄉師大祭祀共茅藉禮記 ○庖人共喪紀之庶羞禮記 ○圉人獸人共獸腊人共乾肉

魚人共鱻菹醢人共豆實記○遷人共遷○外饗凡小喪紀陳其鼎俎而實之記○上大夫之虞也少牢卒哭成事祔皆太牢下大夫之虞也植牲卒哭成事祔皆少牢雜記○喪祝掌喪祭祝號禮記

右虞祭○曾子問曰小功可以與於祭乎孔子曰何必小功耳自斬衰以下與祭禮也曾子曰不以輕喪而重祭乎孔子曰天子諸侯之喪祭也不斬衰者不與祭大夫齊衰者與祭士祭不足則取於兄弟大功以下者贈子措之廟立之主曰帝禮記

右作主○殷主綴重焉周主重徹焉○魯文公二年作僖公主春秋○作主非禮也凡君薨卒哭而祔祔而作主特祀于寢烝嘗禘於廟○作僖公主者何為僖公作主也主者曷用虞主用桑練主用栗用栗者藏主也作僖公主何以書譏何譏爾不時也其不時奈何欲久喪而後不能也駟羊○立主喪主於虞吉主於練作僖公主譏其後也作主壞廟有時日於練焉壞廟壞廟之道易檐可也改塗可也穀梁傳

儀禮經傳續卷第六

儀禮經傳續卷第七

卒哭祔練祥禫記

喪禮五

補

死三日而殯三月而葬遂卒哭本經○士三月而葬

是月也卒哭大夫三月而葬五月而卒哭諸侯五月

而葬七月而卒哭○卒哭他用剛日○將旦而祔則

薦禮記○是日也以吉祭易喪祭禮記○婦之喪卒哭

夫若子主之○祭成喪者必有尸○男男尸女女尸

禮記○用嗣尸禮記○庖人共喪紀之庶羞圉人獸人

共獸腊人共乾肉魚人共鱻醢人共豆籩人共籩

○自天子達於庶人祭從生者○子為士祭以士子



為大夫祭以大夫冢○上大夫之虞也少牢卒哭成
事附皆大牢下大夫之虞也牲牲卒哭成事附皆少
牢○祭稱孝子孝孫喪稱哀子哀孫讎○卒哭曰成
事○曰哀薦成事○卒辭曰哀子某來日某階附爾
于爾皇祖某甫尚饗女子曰皇祖妣某氏婦曰孫婦
于皇祖姑某氏其他辭一也禮記○饗辭曰哀子某
主為而哀薦之饗禮記○獻畢未徹乃餞尊兩觶于
廟門外之右少南水尊在酒西勺北枋洗在尊東南
水在洗東篚在西餞邊豆脯四脰有乾肉折俎二尹
縮祭半尹在西塾尸出執几從席從尸出門右南面
席設于尊西北東面几在南賓出復位主人出即位

于門東少南婦人出即位于主人之北皆西面哭不
止尸即席坐惟主人不哭洗廢爵酌獻尸尸拜受主
人拜送哭復位薦脯醢設俎于薦東胸在南尸左執
爵取脯搗醢祭之乾食授嚌尸受振祭嚌反之祭酒
卒爵奠于南方主人及兄弟踊婦人亦如之主婦洗
足爵亞獻如主人儀無從踊如初賓長洗纒爵三獻
如亞獻踊如初佐食取俎實于篚尸謾從者奉篚哭
從之祝前哭者皆從及大門內踊如初尸出門哭者
止賓出主人送拜稽顙主婦亦拜賓丈夫說經帶于
廟門外入徹主人不與婦人說首經不說帶詳見上
○無尸則不餞猶出几席設如初拾踊三哭止告事

畢賓出禮禮記虞禮記○脯曰尹祭禮記○父母之喪既虞卒哭

疏食水飲不食菜果柱楣翦屏竿翦不納○天子崩

國君薨則祝取羣廟之主而藏諸祖廟禮也卒哭成

事而后主名反其廟禮記○卒哭而諱生事畢而鬼

事始已既卒哭宰夫執木鐸以命于宮曰舍故而諱

新自寢門至至於庫門禮記○卒哭而諱王父母兄弟

世父叔父姑姊妹子與父同諱母之諱宮中諱妻之

諱不舉諸其側與從祖昆弟同名則諱禮記○卒哭乃

諱禮不諱嫌名二名不偏諱逮事父母則諱王父母

不逮事父母則不諱王父母君所無私諱大夫之所

有公諱詩書不諱臨文不諱廟中不諱夫人之諱雖

質君之前臣不諱也婦諱不出門大功小功不諱禮記

○大夫士諸父兄弟之喪既卒哭而歸○公之喪大

夫俟練士卒哭而歸禮記○小功既卒哭可以冠取妻

下殤之小功則不可禮記○喪者不遺人人遺之雖酒

肉受也從父昆弟以下既卒哭遺人可也禮記○期之

喪卒哭而從政○君既卒哭而服王事大夫士既卒

哭并經帶金革之事無辟也

右卒哭○申繻曰周人以諱事神名終將諱之春秋

左氏傳○子夏曰三年之喪卒哭金革之事無辟者

禮歟孔子曰昔者魯公伯禽有為為之也禮記

明日以其班祔禮記虞禮記明日祔于祖父其變而之吉祭

也比至於祔必於是日也接○小宗伯既葬詔相喪祭之禮○大祝付練祥掌國事禮○凡主兄弟之喪雖疏亦虞之婦之喪祔則舅主之禮○主妾之喪則自祔至於練祥皆使其子主之其殯祭不於正室雜○姑姊妹其夫死而夫黨無兄弟使夫之族人主喪妻之黨雖親弗主夫若無族矣則前後家東西家無有則里尹主之或曰王之而附於夫之黨雜○沐浴擲搔翦禮○凡喪小功以上非虞祔練祥無沐浴禮○祔杖不升於堂禮○卒哭而祔祔而作主持祀於主○用專膚為牲短取諸脰膾其他如饋食禮○外饗凡小喪紀陳其鼎俎而實之○上大

大祔太牢下大夫祔少牢○大夫附於士士不附於大夫附於大夫之昆弟無昆弟則從其昭穆雖王父母在亦然雜○婦附於其夫之所附之妃無妃則亦從其昭穆之妃妾附於妾祖姑無妾祖姑則亦從其昭穆之妾禮○男子附於王父則配女子附於王母則不配禮○公子附於公子禮○士大夫不得祔於諸侯祔於諸祖父之為士大夫者其妻祔於諸祖姑妾祔於妾祖姑禮○則中一以上而祔祔必以其昭穆禮○諸侯不得祔於天子天子諸侯大夫可以祔於士禮○婦祔於祖姑祖姑有三人則祔於親者禮○其妻為大夫而卒而后其夫不為大夫而祔於其妻則不易

牲妻卒而后夫為大夫而祔於其妻則以大夫牲記
○士祔於大夫則易牲同○妾無妾祖姑者易牲而
祔於女君可也同○王父死未練祥而孫又死猶是
附於王父也記○廢子不祭殤與無後者殤與無後
者從祖祔食記○曾子問曰女未廟見而死則如之
何孔子曰不遷於祖不祔於皇姑○有父母之喪尚
功衰而祔昆弟之殤則練冠附於殤稱陽童某甫不
名神也記○曰孝子某孝顯相夙興夜處小心畏忌
不惰其身不寧用尹祭嘉薦普淖普薦澹酒適爾皇
祖某甫以儕祔爾孫某甫尚饗○父母之喪僭先葬
者不虞祔待後事○祔練曰告儻少○朋友虞祔而已

○朋友虞祔而退記

右祔○殷練而祔周卒哭而祔孔子善殷禮○君
氏卒不祔于姑

朞而小祥記○朞而練上○十三月而練同○朞之
喪十一月而練記○十三月而禫禮○凡十
筮日喪事先遠日○練筮日筮尸視澤皆要經杖繩
屨有司告具而后去杖筮日筮尸有司告事畢而后
杖拜送賓○大祝練掌國事○大功者主人之喪有
三年者則必為之再祭○主妾之喪則練便其子主
之○五廟之孫祖廟未毀雖為庶人練則告○凡喪
小功以上非練無沐浴○練而慨然○朞而祭禮也

期而除喪道也祭不為除喪也○練主用栗○吉主於練○作主壞廟有時日於練馬壞廟壞廟之道易
 慥可也改塗可也梁○曰薦此常事註虞○自諸侯達諸士小祥之祭主人之酢也齊之衆賓兄弟則皆啐之大祥主人啐之衆賓兄弟皆飲之可也註○大夫士父母之喪既練而歸朔月忌日則歸哭于宗室○婦人喪父母既練而歸禮○公之喪大夫俟練士卒哭而歸禮○既練舍外寢始食菜果飯素食哭無時○既練居室室不與人居君謀國政大夫士謀家事○期而小祥居室寢有席○三年之喪練不羣立不旅行○三年之喪雖功衰不弔禮○如三年

之喪則既穎其練祥皆行○父母之喪將祭而昆弟死既殯而祭如同宮則雖臣妾葬而后祭祭主人之升降散等執事亦散等雖虞祔亦然註○君之喪服除而後殷祭禮也○三年而后葬者必再祭其祭之間不同時而除喪○附練曰告

右練○曾子問曰祭如之何則不行旅酬之事矣孔子曰聞之小祥者主人練祭而不旅奠酬於賓賓弔舉禮也昔者魯昭公練而奉酬行旅非禮也孝公大祥奠酬弗舉亦非禮也禮又葬而大祥註虞○父母之喪三年而祥○三年之喪二十五月而畢禮○期之喪十三月而祥禮○大

儀禮卷之七
祝祥掌國事。○五廟之孫祖廟未毀雖為庶人祥必告。○主妾之喪則自附至於祥使其子主之。○非祥無沐浴。○曰薦此祥事。記士虞○自諸侯達諸士大祥主人啐之衆賓兄弟皆飲之可也。○如三年之喪則既顛其練祥皆行。○祥而靡然。○既祥黜堊。○又期而大祥有醢醬居復寢素縞麻衣。○祥而外無哭者禫而內無哭者樂作矣故也。禮大祥之日鼓素琴。○喪復常讀樂章。禮三年之喪祥而從政。○曾子曰廢喪服可以與於饋奠之事乎孔子曰說衰與奠非禮也以擯相可也。

右大祥。○孝公大祥奠酬弗舉亦非禮也。○孔子

既祥五日彈琴而不成聲十日而成笙歌。禮○子夏既除喪而見予之琴和之而不和彈之而不成聲作而曰哀未忘也先王制禮而弗敢過也子張既除喪而見予之琴和之而和彈之而成聲作而曰先王制禮不敢不至焉。禮○魯人有朝祥而奠歌者子路笑之夫子曰由爾責於人終無已夫三年之喪亦已久矣夫子路出夫子曰又多乎哉踰月則其善也。禮○顏淵之喪饋祥肉孔子出受之入彈琴而后食之。禮○中月而禫。記士虞○為父母妻長子禫。禮○庶子在父之室則為其母不禫。禮○宗子母在為妻禫。禮○期

之喪十五日而禫○中月而禫禫而飲醴酒始飲酒者先飲醴酒始食肉者先食乾肉傳○禫而沐同上○禫而從御吉祭而復寢記喪大○禫而內無哭者樂作矣故也○是月禫從月樂禮

右禫○孟獻子禫縣而不樂比御而不入夫子曰獻子加於人一等矣禮

是月也吉祭猶未配禮士虞○吉祭而復寢

右吉祭○僖八年秋七月禘于大廟用致夫人春秋

○秋禘而致哀姜焉非禮也凡夫人不薨于寢不殯于廟不赴于宮不祔于姑則弗致也傳左氏○閔

二年夏五月乙酉吉禘于莊公春秋○夏吉禘于莊

公速也傳左氏○其言吉何言吉者未可以吉也曷

為未可以吉未三年也三年矣曷為謂之未三年

三年之喪實以二十五月其言于莊公何未可以

稱宮廟也曷為未可以稱宮廟在三年之中矣吉

禘于莊公何以書譏何譏爾譏始不三年也傳公羊

○吉禘于莊公吉禘者不吉者也喪事未畢而舉

吉祭故非之也傳梁

小史若有事則詔王之忌諱春官○大夫士父母之喪

既練而歸忌日則歸哭于宗室○君子有終身之喪

忌日之謂也○喪三年以為極正則弗之忌矣故君

子有終身之憂而無一朝之患故忌日不樂禮○

右忌日○文王之祭也事死者如事生思死者如不欲生忌日必哀稱諱如見親喪禮義

儀禮經傳續卷第八

服八

喪禮六

補

父卒為祖後者服斬○與諸侯為兄弟者服斬喪記小

○女為父喪未練而出則三年既練而出則已既練

而反則遂之喪服小記

右補斬衰

祖父卒而后為祖母後者三年喪服小記○為所後者之

妻若子○女為母喪未練而出則三年既練而出則

已既練而反則遂之

右補齊衰三年

為所後者之妻若子

右補齊衰杖期

周禮司服凡喪為王后齊衰○君為天子三年夫人

如外宗之為君也○外宗為君夫人猶內宗也雜記○

大夫之適子為君夫人太子如士服○女未練而反

則期喪服記○世子為妻與大夫之適子同記○公子

之妻為其皇姑喪服義

右補齊衰不杖期

宗子孤為殤大功衰小功衰皆三月親則月筭如邦

人○為所後者之祖父母若子

右補齊衰三月

夫為人後者其妻為舅姑大功記○公叔木有同母

異父之昆弟死問於子游子游曰其大功乎狄儀有

同母異父之昆弟死問於子夏子夏曰我未之前聞

也魯人則為之齊衰狄儀行齊衰今之齊衰狄儀之

問也檀弓○齊穀王姬之喪魯莊公為之大功或曰由

魯嫁故為之服姊妹之服或曰外祖母也故為之服

檀弓

右補大功

適婦不為父後者則姑為之小功記○為所後者妻

之父母若子

右補小功

公子之妻為公子之外兄弟喪服○為所後者之妻

之昆弟若子○為所後者之妻之昆弟之子若子上同

○從母之夫舅之妻二夫人相為服君子未之言也

或曰同爨總禮○士妾有子而為之總無子則已記

○改葬總喪服○葬相王改葬也改葬之禮總舉下

緬也梁秋穀右補總

五世袒免喪服○族之相為也宜弔不弔宜免不免

有司罰之

右補五世袒免

事師無犯無隱服勤至死心喪三年○師無當於五

服五服不得不親學記○孔子之喪門人疑所服子貢

曰昔者夫子之喪顏淵若喪子而無服喪子路亦然

請喪夫子若喪父而無服禮○孔子之喪二三子皆

經而出羣居則經出則否禮○孔子沒三年之外門

人治任將歸入揖於子貢相嚮而哭皆失聲然後歸

子貢反築室於場獨居三年然後歸禮○孔子葬於

魯城北弟子皆家于墓行心喪之禮

右補心喪三年

無服而為位者唯嫂叔及婦人降而無服者麻奔喪○

傳曰夫之昆弟何以無服也其夫屬乎父道者妻皆

母道也其夫屬乎子道者妻皆婦道也謂弟之妻婦

者是姦亦可謂之母乎故名者人治之大者也可無慎乎○嫂叔之無服也蓋推而遠之也禮記○朋友麻記○朋友皆在他邦袒免歸則已喪服記

右補弔服加麻

司服凡弔事弁經服禮記○弁師王之弁經弁而加環經諸侯及孤卿大夫之弁經各以其等為之而掌其禁令禮記○凡弁經其衰侈袂禮記○司服王為三公六卿錫衰為諸侯總衰為大夫士疑衰其首服皆弁禮記○天子之哭諸侯也爵弁經紵衣禮記○公為卿大夫錫衰以居出亦如之當事則弁經為其妻往則禮記○諸侯弔必皮弁錫衰所弔雖已葬

主人必免主人未喪服則亦不錫衰禮記○大夫有私喪之葛則於其兄弟之輕喪則弁經禮記○大夫之哭大夫弁經大夫與殯亦弁經禮記○大夫弔於命婦錫衰命婦弔於大夫亦錫衰傳曰錫者何也麻之有錫者也錫者十五升抽其半無事其縷有事其布曰錫禮記○羔裘玄冠不以弔禮記○季桓子死魯大夫朝服而弔子游問於孔子曰禮乎夫子不荅他日又問夫子曰始死羔裘玄冠者易之而已汝何疑焉禮記○曾子襲裘而弔子游禭裘而弔曾子指子游而示人曰夫夫也為習於禮者如之何其錫裘而弔也主人既小斂袒括髮子游趨而出襲裘帶經而入曾子

曰我過矣我過矣夫夫是也禮○衛司徒敬子死子夏弔焉主人未小斂經而往子游弔焉主人既小斂子游出經反哭子夏曰聞之也與曰聞諸夫子主人未改服則不經禮○魯昭公夫人吳孟子卒不赴于諸侯孔子既致仕而往弔焉適于季氏季氏不經孔子投經而不拜子游問曰禮與孔子曰主人未成服則弔者不經焉禮也禮○魯婦人之髻而弔也自敗於臺鮑始也禮

右補弔服

儀禮經傳續卷第八

喪服變除九

喪禮七

補

疾病男女改服喪大○養有疾者不喪服遂以主其喪非養者入主人之喪則不易已之喪服養尊者必易服養卑者否喪服

右疾病改服

親始死雞斯徒跣扱上衽交手哭喪禮○夫子曰始死羔裘玄冠者易之而已禮○曾子問曰親迎女在塗而塔之父母死如之何孔子曰女改服布深衣縞總以趨喪贈子中車王之喪服木車蒲蔽犬禭疏飾



小服皆疏制

君始死變服

主人出南面左袒扱諸面之右實米唯盈主人襲反位禮上喪

右斂含變服

小斂環經公大夫士一也禮○凡斂者袒遷尸者襲

○小斂卒斂主人馮之踊主婦亦如之主人袒說髦

括髮以麻婦人髮帶麻于房中禮大○卒斂馮尸主

人髻髮袒眾主人免于房婦人髮于室禮喪○既馮

尸主人絞帶眾主人布帶禮上喪○動尸舉柩袒而踊

婦人不宜袒禮喪

右小斂變服○叔孫武叔之母死既小斂舉者出

尸出戶袒且投其冠括髮子游曰知禮禮檀弓

男女奉尸夷于堂降拜賓主人即位襲帶經踊母之

喪即位而免乃奠禮大○動尸舉柩袒而踊○大功

以上散帶禮雜記○士舉男女奉尸俛于堂主人拜賓即

位襲經于序東乃奠禮上喪

右奉尸俛于堂變服

君將大斂于弁經即位于序端禮大○主人及親者袒

卒塗主人復位襲乃奠禮上喪○凡斂者袒遷尸者襲

○動尸舉柩袒踊禮大○君若視斂主人及眾主人袒

卒塗卒奠君出門主人拜送襲入即位眾主人襲禮上喪

禮○既殯主人說髦禮喪

右大斂變服

天子崩三日祝先服五日官長服七日國中男女服
三月天下服喪大○三日授子杖五日授大夫杖七
日授士杖喪大○君之喪三日授夫人杖五日既殯
授大夫世婦杖大夫之喪三日之朝既殯主人主婦
室老皆杖士之喪二日而殯三日之朝主人杖婦人
皆杖喪大○三日成服杖喪大三日絞垂喪

右成服

大夫卜宅與葬日有司麻衣布衰布帶因喪屨緇布
冠不緇占者皮弁如筮則史練冠長衣以筮占者朝

服喪大○筮宅主人皆往兆南北面免經卒筮主人

經禮壤喪大○聽卜有事於尸則去杖喪大

右筮宅卜日變服

丈夫髻散帶垂喪大○主人袒啓遷于祖正柩主人
襲○主人袒乃載卒束襲○袒商祝御柩乃祖襲○
公贈主人及衆主人袒賔出主人送于門外襲○主
人袒乃行出宮襲喪大○動尸舉柩袒踊○非從柩
與反哭無免於垣雜

右啓殯朝祖柩行變服

屬引主人袒乃窆主人襲贈用制幣玄纁卒袒拜賔
襲喪大○為兄弟既除喪已及其葬也反服其服○

實主主人拜鄉人襲如初禮喪○非從柩與反哭無
免於壙○遠葬者比反哭者皆冠及郊而后免反哭
記○既葬而不報虞則雖主人皆冠及虞則皆免禮

右葬及反哭變服○弁經葛而葬周人弁而葬殷

人哱而葬義喪禮○子墨衰經敗秦師于殽遂墨以

葬文公晉於是始墨春秋左○魯莊公之喪既葬

而經不入庫門士大夫既卒哭麻不入檀弓○葬晉

悼公平公即位改服脩官烝于曲沃春秋左○王

天子壽卒穆后崩既葬除喪以文伯宴叔向曰王

一歲而有三年之喪二焉於是乎以喪賔宴樂憂

甚矣且非禮也三年之喪雖貴遂服禮也禮通

主人及兄弟如葬服賓執事者如弔服祝免澡葛經

帶布席于室中主人倚杖入祝迎尸一人衰經奉篚

哭從尸禮○虞杖不入於室附杖不升於堂○總

小功虞卒哭則免既葬而不報虞則雖主人皆冠及

虞則皆免為兄弟既除喪已及其葬也反服其服報

虞卒哭則免如不報虞則除之記○有事於尸則去

杖

右虞變服

卒哭獻畢乃餞賓出丈夫說經帶於廟門外婦人說

首經不說帶記○斬衰三升既虞卒哭受以成布

六升冠七升制度○衰三升三升有半其冠六升以其

冠為受受冠七升制度○去麻服葛葛帶三重制度○

婦人不葛帶制度○婦人葛經而麻帶制度○斬衰絞帶

制度○布總箭筈髮衰三年制度○疏衰四升受以成

布七升冠八升制度○齊衰四升其冠七升以其冠為

受受冠八升制度○齊衰帶惡筈以終喪制度○疏衰

杖期傳曰齊衰大功冠其受也帶緣各視其冠制度

○女子子適人者為其父母卒哭子折筈首以筈布

總傳曰折筈首者折吉筈之首也吉筈者象筈也何

以言子折筈首而不言婦終之也○疏衰無受制度

○大功無受傳曰何以大功也未成人也何以無受

也喪成人者其文縵喪未成人者其文不縵故殤之

經不縵垂蓋未成人也制度○大功三月受以小功

衰即葛九月者傳曰大功布九升小功布十一升制度

○大功八升若九升小功十升若十一升制度○

小功即葛五月制度

右既虞卒哭受服

總小功卒哭則免報虞卒哭則免○大夫士既卒哭

并經帶金革之事無辟也制度○巾車王之喪車素

車琴蔽犬禛素飾小服皆素制度

右卒哭變服

總衰既葬除之○公子為其母麻衣為其妻麻衣皆

既葬除之服○既葬各以其服除引

右既葬除服

不杖麻屨喪服本○疏衰無受○大功無受傳曰其

長殤皆九月其中殤皆七月喪服制度○大功即葛九月

○小功五月○小功即葛五月○緦麻三月○九月

七月之喪三時也五月之喪二時也三月之喪一時

也記○除殤之喪也其祭也必玄除成喪者其祭也

朝服縞冠同○諸父昆弟之喪如當父母之喪其除

諸父昆弟之喪也皆服其除喪之服卒事反喪服雜

○兄弟之喪內除

右不杖以下各以月數除服○春秋哀公五年閏

月葬齊景公閏不書此何以書喪以閏數喪焉為

以閏數喪數畧也公羊傳

附杖不入於堂禮○有父母之喪尚功衰而附兄

弟之殤則練

右附變服

練筮日筮尸視濯皆要經杖繩屨有司告具而后去

杖筮日筮尸有司告事畢而后杖拜送賓喪服小記

右練筮日筮尸變服

父母之喪十三月而練冠喪服四制○期之喪十一月而

練雜○期而練大戴記○練練衣黃裏縗緣葛腰經繩

屨無絢角瑱鹿裘衡長祛祛襦之可也檀弓○期而小

祥練冠繚緣要經不除男子除乎首婦人除乎帶男子何為除乎首也婦人何為除乎帶也男子重首婦人重帶除服者先重者易服者易輕者輜○喪冠條屬以別吉凶三年之練冠亦條屬右縫剡○布總箭筭髮衰三年服喪○疏衰三年○齊衰帶惡筭以終喪○疏衰杖期喪○再期之喪三年也期之喪二年也故期而祭禮也期而除喪道也祭不為除喪也記○縞冠玄武子姓之冠也紅○巾車王之喪車藻車藻蔽鹿淺禛革飾度

右練受服除服○季栢子喪康子練而無衰子游問於孔子曰既服練服可以無衰乎孔子曰無衰

衣者不以見賓何以除焉諫○子貢問曰練而林

禮邪孔子曰非禮也喪禮○古者臣有大喪則君

三年不呼其門已練可以弁冕服金革之事君使

之非也臣行之禮也閔子要經而服事既而曰若

此乎古之道不即人心退而致仕孔子蓋善之也

春秋公羊傳

大祥吉服而筮尸記

右大祥筮尸變服

父母之喪三年而祥輿○期之喪十三月而祥雜記

○祥主人之除也於夕為期朝服祥因其故服雜記○

祥而縞檀○縞冠素紕既祥之冠也經○又期而大

祥素縞麻衣鬪○弃杖者斷而弃之於隱者喪大記○
三年之喪二十五月而畢喪服義○親喪外除兄弟之
喪內除 有父之喪如未沒喪而母死其除父之喪
也服其除服卒事反喪服雜記○曾子問曰大夫士有
私喪可以除之矣而有君服焉其除之也如之何孔
子曰有君喪服於身不敢私服又何除焉於是乎有
過時而弗除也君之喪服除而後殷祭禮也曾子問
曰父母之喪弗除可乎孔子曰先王制禮過時弗舉
禮也非弗能勿除也患其過於制也故君子過時不
祭禮也喪變禮○中車王之喪車駝車灌蔽然禛髻飾

君大祥除服○素冠刺不能三年也庶見素冠兮
棘人樂樂兮勞心博博兮庶見素衣兮我心傷悲
兮聊與子同歸兮庶見素韠兮我心蘊結兮聊與
子如一兮詩國贈○有子蓋既祥而絲屨組纓禮
中月而禫記士虞○期之喪十五月而禫雜記○禫而織
無所不佩制○中車王之喪車漆車藩蔽豸禛雀飾

右禫易服○惟三祀十有二月朔伊尹以冕服奉
嗣王歸于亳書大甲○王宅憂亮陰三祀既免喪其
惟弗言命書說
孤子當室冠衣不純采禮曲○孤子衣純以素深衣

右既孤易服

儀禮卷九

八

曾子問曰父母之喪既引及塗聞君薨如之何孔子
 曰遂既封改服而往贈子○父母之喪偕先葬者不
 虞祔待後事其葬服斬衰記○除服者先重者易服
 者易輕者斬衰之喪既虞卒哭遭齊衰之喪輕者包
 重者特○既練遭大功之喪麻葛重○齊衰之喪既
 虞卒哭遭大功之喪麻葛兼服之斬衰之葛與齊衰
 之麻同齊衰之葛與大功之麻同大功之葛與小功
 之麻同小功之葛與總之麻同同則兼服之○兼服
 之服重者則易輕者也備○除喪者先重者易服者
 易輕者記○斬衰之葛與齊衰之麻同齊衰之葛與

大功之麻同麻同皆兼服之用○麻之有本者變三
 年之葛附○殤長中變三年之葛終殤之月筭而反
 二年之葛是非重麻為其無卒哭之稅下殤則否附
 ○大夫有私喪之葛則於其兄弟之輕喪則弁經雜
 ○既練遭大功之喪麻葛重○有三年之練冠則以
 大功之麻易之唯杖屨不易雜○既練遇麻斷本者
 於免經之既免去經每可以經必經既經則去之附
 ○小功不易喪之練冠如免則經其總小功之經因
 其初葛帶總之麻不變小功之葛小功之麻不變大
 功之葛以有本為稅附○三年之喪既練矣有期之
 喪既葬矣則帶其故葛帶經期之經服其功衰有大

儀禮卷九

九

功之喪亦如之小功無變也問○如三年之喪則既
類其練祥皆行記雜○有父母之喪尚功衰而附兄弟
之殤則練冠附於殤上同

右並有喪服

久而不葬者唯主喪者不除其餘以麻終月數者除
喪則已記小○三年而后葬者必再祭其祭之間不同
時而除喪禫記練祥

右久不葬服

君弔則復殯服喪大○君弔雖不當免時也主人必
免不散麻雖異國之君免也親者皆免記小○當袒大
夫至雖當踊絕踊而拜之反改成踊乃襲於士既事

成踊襲而后拜之不改成踊禮喪○諸侯弔雖已葬

主人必免記小○凡喪服未畢有弔者則為位而哭拜

踊記雜○主人未除喪有兄弟自他國至則主人不免

而為主○子游曰既祥雖不當縞者必縞然後反服

記雜

右受弔變服○晉侯彪卒既葬諸侯之大夫欲因
見新君叔向辭之曰大夫之事畢矣而又命孤孤
斬焉在衰經之中其以嘉服見則喪禮未畢其以
喪服見是重受弔也大夫將若之何皆無辭以見
春秋左○將軍文子之喪既除喪而后越人來弔
主人深衣練冠待于廟垂涕洟子游觀之曰將軍

文氏之子其庶幾乎亡於禮者之禮也其動也中

禮

生不及祖父母諸父昆弟而父稅喪已則否訓○聞遠兄弟之喪既除喪而后聞喪免袒成踊拜賓則尚左手葬○為君之父母妻長子君已除喪而后聞喪則不稅降而在總小功則稅之近臣君服斯服矣其餘從而服不從而稅君雖未知喪臣服已訓○曾子曰小功不稅則是遠兄弟終無服也而可乎禮

右稅服

席蓋素重不入公門苞履扱衽厭冠不入公門書方禮○三年之喪以衰裳入

朝非禮也是謂君與臣同國禮○凡見人無免經雖

朝於君無免經唯公門有稅齊衰喪服○季武子寢

疾矯固不說齊衰而入見曰斯道也將已矣士唯公

門說齊衰禮○麻者不紳執玉不麻麻不加於采雜

○小功不說笏當事免則說之經○君之喪子大夫

寢門之外杖寢門之內輯之夫人世婦在其次則杖

即位則使人執之子有王命則去杖國君之命則輯

杖聽卜有事於尸則去杖大夫於君所則輯杖於大

夫所則杖大○大夫之喪大夫有君命則去杖大夫

之命則輯杖內子為夫人之命去杖為世婦之命授

人杖○士之喪於君命夫人之命如大夫於大夫世

婦之命如大夫○子皆杖不以即位大夫士哭殯則杖哭柩則輯杖大已上○父在不敢杖矣尊者在故也堂上不杖辟尊者之處也鬪○傳曰公卿大夫室老士貴臣其餘皆衆臣也衆臣杖不以即位轅服○為長子杖則其子不以杖即位離○為妻父母在不杖不稽顙通○庶子不以杖即位父不主庶子之喪則孫以杖即位可也父在庶子為妻以杖即位可也訛○女未廟見而死壻不杖不菲不次贈子○童子何以不杖不能病也婦人何以不杖亦不能病也○童子不杖不菲○婦人童子不杖喪服○童子當室則免而杖同○古者貴賤皆杖叔孫武叔朝見輪人

儀禮經傳續卷第十

喪服制度十

喪禮八

補

小宗伯王崩縣衰冠之式于路門之外春○大僕縣喪首服之灋于宮門夏○肆師禁外內命男女之衰不中灋者且授之杖春○司服掌王之吉凶衣服辨其名物與其用事春○衰與其不當物也寧無衰檀
司服凡凶事服弁服春○斬衰冠六升受冠七升齊衰冠七升受冠八升喪服○齊衰大功冠其受也總麻小功冠其衰也喪服○總衰冠八升喪服

斬衰冠鍛而勿灰喪服○齊衰冠傳曰冠者沽功也

喪服○公子為其母練冠為其妻縗冠○斬衰冠右

縫外畢喪服○冠六升外縹禮○三年之練冠亦

右縫小功以下左雜○古者冠縮縫今也衡縫故喪

冠之反吉非古也禮○斬衰冠繩纓喪服○疏衰冠

布纓喪服○總冠縹纓雜○冠繩纓條屬喪服○纓

條屬厭禮○喪冠條屬以別吉凶三年之練冠亦

條屬雜○喪冠不綉禮○委武玄縞而后黹雜○縞

冠玄武子姓之冠變除練○縞冠素紕既祥之冠祥

除服

右冠制

斬衰首經傳曰首經者麻之有贊者也喪服○疏衰

牡麻經傳曰牡麻者桑麻也本○疏衰期牡麻經本

不杖者本疏衰牡麻經無受本大功牡麻經無受本

大功牡麻經本總衰牡麻經本小功縹麻帶經本小

功牡麻經本○公子為其母麻為其妻葛經○首經

大搨去五分一以為帶齊衰之經斬衰之帶也去五

分一以為帶大功之經齊衰之帶也去五分一以為

帶小功之經大功之帶也去五分一以為帶總麻之

經小功之帶也去五分一以為帶喪服○首經大

搨左本在下同○牡麻經右本在上喪服○首經

大搨不本在左牡麻經右本在上禮○其長殤皆

九月纓經其中殤皆七月不纓經。○大功牡麻經纓章本

右首經制

司服凡弔事弁經服補弔錫衰總衰疑衰服皆弁經。諸○弁師王之弁經弁而加環經諸侯及孤卿大夫之弁經各以其等為之而掌其禁令官夏

右弁經之制

親始死雞斯喪禮○小斂卒斂主人括髮以麻變除○卒斂馮尸主人髻髮袒禮喪○男子冠而婦人笄男子免而婦人髻○斬衰括髮以麻為母括髮以麻免而以布喪記○卒斂眾主人免于房禮喪○卒斂

主人說髦喪大既殯主人說髦禮喪

右笄纚髻髮免髦之制

女改服布深衣縞總以趨喪。○布總箭笄髻傳曰總六升長六寸箭笄長尺吉笄尺二寸喪服斬○齊衰帶惡笄以終喪記小○箭笄終喪三年同上○女子子適人者為其父母婦為舅姑惡笄有首以髻傳曰笄有首者惡笄之有首也惡笄者櫛笄也。○妾為女君君之長子惡笄有首布總。○南宮縚之妻之姑之喪夫子誨之髻曰爾毋從從爾爾毋扈扈爾蓋榛以為笄長尺而總八寸檀○男子冠而婦人笄男子免而婦人髻記小

右婦人笄總髮制

司服掌王之吉凶衣服凡凶事服弁服。○衰三升三升有半其冠六升以其冠為受受冠七升齊衰四升其冠七升以其冠為受受冠八升總衰四升有半其冠八升大功八升若九升小功十升若十一升並以上服。○斬衰三升齊衰四升三升六升大功七升八升九升小功十升十一升十二升總麻十五升去其半有事其縷無事其布曰總。○斬衰裳傳曰衰三升喪服。○疏衰裳齊三年本。○疏衰裳齊期本。○不杖者本。○疏衰裳齊無受者本。○大功布衰裳無受者本。○大功布衰裳。○總衰裳傳曰總衰者何以小功之

總也本。○小功布衰裳五月者本。○小功布衰裳。○

總麻三月者傳曰總者十五升抽其半有事其縷無

事其布曰總本。○朝服十五升去其半而總加灰錫

也雜。○公子為其母麻衣為其妻麻衣。○斬衰裳傳

曰斬者何不緝也。○疏衰裳齊傳曰齊者緝也。○凡

衰外削幅裳內削幅幅三袖若齊裳內衰外負廣出

於適寸適博四寸出於衰衰長六寸博四寸衣帶下

尺衽二尺有五寸袂屬幅衣二尺有二寸祛尺二寸

○端衰喪車皆無等雜。○首衰不補。○縣子曰裕衰總

裳非古也檀。○練練衣黃裏緣緣鹿裘衡長祛祛裾

之可也。

右衰裳制

女子子在室為父衰三年

右婦人衰制

斬衰首經傳曰首經大槓去五分一以為帶齊衰之
經斬衰之帶也去五分一以為帶大功之經齊衰之
帶也去五分一以為帶小功之經大功之帶也去五
分一以為帶總麻之經小功之帶也去五分一以為
帶○疏衰牡麻經本○小功澡麻帶經喪服○經殺
五分而去一記○公子為其母麻為其妻葛經○首
經大槓下本在左要經小焉散帶垂長三尺牡麻經
右本在上亦散帶垂禮○大功牡麻經傳曰殤之

經不膠垂蓋未成人也喪服大功以上散帶變除下
殤小功帶澡麻不絕本誦而反以報之記○斬衰首
絞帶傳曰絞帶者繩帶也練○疏衰布帶喪服○
疏衰期傳曰齊衰大功冠其受也總麻小功冠其衰
也帶緣各視其冠制公士大夫之眾臣為其君布
帶喪服○斬衰疏衰既虞卒哭去麻服葛葛帶三
重○練葛要經

右要經帶制

婦人之帶牡麻結本禮○婦人葛經而麻帶

右婦人要經帶制

司服王為三公六卿錫衰為諸侯總衰為大夫士疑

衰凡弁經其衰侈袂記錫者何也麻之有錫者也錫者十五升抽其半無事其縷有事其布曰錫

右錫衰總衰疑衰之制

曾子問曰親迎女在塗而壻之父母死則如之何曰女改服布深衣縞總以趨喪○夫子曰始死羔裘玄冠者易之而已○齊衰大功冠其受也總麻小功冠其衰也帶緣各視其冠○公子為其母麻衣繚緣其妻麻衣繚緣○大祥素縞麻衣

右深衣麻衣長衣中衣之制

斬衰首杖傳曰首杖竹也削杖桐也○疏衰削杖章本母為長子削杖記○杖各齊其心皆下本章本杖下本

竹桐一也記喪○經殺五分而去一杖大如經記

右杖制

斬衰管屨傳曰管屨者管菲也外納轅○記屨外納○疏衰疏屨三年傳曰疏屨者麓削之菲也章本○疏衰疏屨期章本○不杖麻屨章本○齊衰三月與大功同者繩屨喪服○小功喪服○公士大夫之眾臣為其君布帶繩屨傳曰繩屨者繩菲也○練繩屨無絢禮○周禮屨人掌王及后之服屨素屨葛屨辨外內命夫命婦之散屨凡四時之祭祀以宜服之天○不屨總屨禮冠

右屨制

周禮巾車王之喪車五乘木車蒲蔽犬禛尾橐疏飾
小服皆疏素車焚蔽犬禛素飾小服皆素藻車藻蔽
鹿淺禛革飾駝車翟蔽然禛髮飾漆車藩蔽犴禛
飾諸○主人乘惡車禮喪端衰喪車皆無等雜
右喪車之制

儀禮經傳續卷第十一

喪禮九

喪服義十一

補

凡禮之大體體天地法四時則陰陽順人情故謂之
禮譬之者是不知禮之所由生也夫禮吉凶異道不
得相干取之陰陽也或有四制變而從宜取之四時
也有恩有理有節有權取之人情也恩者仁也理者
義也節者理也權者知也仁義禮知人道具矣其恩
厚者其服重故為父斬衰三年以恩制者也門內之
治恩揜義門外之治義斷恩資於事父以事君而敬
同貴貴尊尊義之大者也故為君亦斬衰三年以義

制者也三日而食三月而沐期而練毀不滅性不以死傷生也喪不過三年苴衰不補墳墓不培祥之日鼓素琴告民有終也以節制者也資於事父以事母而愛同天無二日土無二王國無二君家無二尊以一治之也故父在為母齊衰期者見無二尊也杖者何也爵也三日授子杖五日授大夫杖七日授士杖或曰擔主或曰輔病婦人童子不杖不能病也百官備百物具不言而事行者扶而起言而後事行者杖而起身自執事而後行者面垢而已禿者不髻偃者不袒跛者不踊老病不止酒肉凡此八者以權制者也始死三日不怠三月不解期悲哀三年憂恩之殺

也聖人因殺以制節此喪之所以三年賢者不得過不肖者不得不及此喪之中庸也王者之所常行也書曰高宗諒闇三年不言善之也王者莫不行此禮何以獨善之也曰高宗者武丁武丁者殷之賢王也繼世即位而慈良於喪當此之時殷衰而復興禮廢而復起故善之善之故載之書中而高之故謂之高宗三年之喪君不言書云高宗諒闇三年不言此之謂也然而曰言不文者謂臣下也禮斬衰之喪唯而不對齊衰之喪對而不言大功之喪言而不議緦小功之喪議而不及樂父母之喪衰冠繩纓菅屨三日而食粥三月而沐期十二月而練冠三年而祥比終

茲三節者仁者可以觀其愛焉知者可以觀其理焉
強者可以觀其志焉禮以治之義以正之孝子弟弟
貞婦皆可得而察焉禮記○再期之喪三年也期之
喪二年也九月七月之喪三時也五月之喪二時也
三月之喪一時也故期而祭禮也期而除喪道也祭
不為除喪也記○三年之喪何也曰稱情而立文因
以飾羣別親疏貴賤之節而弗可損益也故曰無易
之道也創距者其日久痛深者其愈遲三年者稱情
而立文所以為至痛極也斬菹衰杖居倚廬食粥寢
苦枕塊所以為至痛飾也三年之喪二十五月而畢
哀痛未盡思慕未忘然而服以是斷之者豈不送死

有已復生有節也哉凡生天地之間者有血氣之屬
必有知有知之屬莫不知愛其類今是大鳥獸則失
其羣匹越月踰時焉則必反巡過其故鄉翔回焉
鳴號焉躑躅焉踟躕焉然後乃能去之小者至於燕
雀猶有啁噍之頃焉然後乃能去之故有血氣之屬
者莫知於人故人於其親也至死不窮將由夫患邪
淫之人與則彼朝死而夕忘之然而從之則是曾鳥
獸之不若也夫鳥能相與羣居而不亂乎將由夫脩
飾之君子與則三年之喪二十五月而畢若駟之過
隙然而遂之則是無窮也故先王為之立中制節
壹使足以成文理則釋之矣然則何以至期也曰至

親以期斷是何也曰天地則已易矣四時則已變矣其在天地之中者莫不更始焉以是象之也然則何以三年也曰加隆焉爾也焉使倍之故再期也由九月以下何也曰焉使弗反也故三年以為隆總小功以為殺期九月以為間上取象於天下取法於地中取則於人人之所以羣居和壹之理盡矣故三年之喪人道之至文者也夫是之謂至隆是百王之所同古今之所壹也未有知其所由來者也孔子曰子生三年然後免於父母之懷夫三年之喪天下之達喪也三年○滕定公薨世子謂然友曰昔者孟子嘗與我言於宋於心終不忘今也不幸至於大故吾欲使

子問於孟子然後行事然友之鄒問於孟子孟子曰不亦善乎親喪固所自盡也曾子曰生事之以禮死葬之以禮祭之以禮可謂孝矣諸侯之禮吾未之學也雖然吾嘗聞之矣三年之喪齊疏之服飡粥之食自天子達於庶人三代共之然友反命定為三年之喪父兄百官皆不欲曰吾宗國魯先君莫之行吾先君亦莫之行也至於子之身而反之不可且志曰喪祭從先祖曰吾有所受之也謂然友曰吾他日未嘗學問好馳馬試劍今也父兄百官不我足也恐其不能盡於大事子為我問孟子然友復之鄒問孟子孟子曰然不可以他求者也孔子曰君薨聽於冢宰讐

粥面深墨即位而哭百官有司莫敢不哀先之也上好者下必有甚焉者矣君子之德風也小人之德草也草尚之風必偃是在世子然友反命世子曰然是誠在我五月居廬未有命戒百官族人可謂曰知及至葬四方來觀之顏色之戚哭泣之哀弔者大悅

孟○宰我問三年之喪期已久矣君子三年不為禮禮必壞三年不為樂樂必崩舊穀既沒新穀既升鑽燧改火期可已矣子曰食夫稻衣夫錦於女安乎曰安女安則為之夫君子之居喪食旨不甘聞樂不樂居處不安故不為也今女安則為之率我出子曰予之不仁也子生三年然後免於父母之懷夫三年之喪天下之通喪也予也有三年之愛於其父母乎

論○齊宣王欲短喪公孫丑曰為期之喪猶愈於已乎孟子曰是猶或終其兄之臂子謂之姑徐徐云爾亦教之孝弟而已矣王子有其母死者其傅為之請數月之喪公孫丑曰若此者何如也曰是欲終之而不可得也雖加一日愈於已謂夫莫之禁而弗為者也

孟○喪父三年喪君三年示民不疑也坊天子之與后猶父之與母也故為天王服斬衰服父之義也為后服資衰服母之義也

禮○君之喪所以取三年何也曰君者治辨之主也文理之原也情貌之盡也相率而致隆之不亦可乎詩曰愷悌君子民之父母彼

君子者固有為民父母之說焉父能生之不能養之
母能食之不能教誨之君者已能食之矣又善教誨
之者也三年畢矣哉乳母飲食之者也而三月慈母
衣被之者也而九月君曲備之者也三年畢乎哉得
之則治失之則亂文之至也得之則安失之則危情
之至也兩至者俱積焉以三年事之猶未足也直無
由進之耳猶○齊宣王曰禮為舊君有服何如斯可
為服矣曰諫行言聽膏澤下於民有故而去則君使
人導之出疆又先於其所往去三年不反然後收其
田里此之謂三有禮焉如此則為之服矣今也為臣
諫則不行言則不聽膏澤不下於民有故而去則君
搏執之又極之於其所往去之日遂收其田里此之
謂寇讎寇讎何服之有猛○親親尊尊長長男女之
有別人道之大者也喪記○親親以三為五以五為
九上殺下殺旁殺而親畢矣上○傳曰罪多而刑五
喪多而服五上附下附列也問○服術有六一曰親
親二曰尊尊三曰名四曰出入五曰長幼六曰從服
從服有六有屬從有徒從有從有服而無服有從無
服而有服有從重而輕有從輕而重自仁率親等而
上之至於祖名曰輕自義率祖順而下之至于禰名
曰重一輕一重其義然也傳○有從輕而重公子之
妻為其皇姑有從重而輕為妻之父母有從無服而

有服公子之妻為公子之外兄弟有從有服而無服
 公子為其妻之父母服○從服者所從正則已屬從
 者所從雖沒也服妾從女君而出則不為女君之子
 服訕○庶子不為長子斬不繼祖與禰故也訕○庶
 子不得為長子三年不繼祖也獻○為父後者為出
 母無服無服也者喪者不祭故也訕○子上之母死
 而不喪門人問諸子思曰昔者子之先君子喪出母
 乎曰然子之不使白也喪之何也子思曰昔者吾先
 君子無所失道道隆則從而隆道污則從而污侵則
 能安為侵也妻者是為白也母不為侵也妻者是不
 為白也母故孔氏之不喪出母自子思始也檀○喪

服元弟之子猶子也蓋引而進之也嫂叔之無服也
 蓋推而遠之也姑姊妹之薄也蓋有受我而厚之者
 也同○四世而總服之窮也五世袒免殺同姓也六
 世親屬竭矣獻○絕族無移服親者屬也同 喪紀
 以服之輕重為序不奪人親也五廟之孫祖廟未毀
 雖及庶人冠取妻必告死必赴不忘親也刑于隱者
 不與國人慮兄弟也弗弔弗為服哭于異姓之廟為
 忝祖遠之也素服居外不聽樂私喪之也骨肉之親
 無絕也文王○白虎通義曰弟子為師服者弟子有
 君臣父子朋友之道也故生則尊敬而親之死則哀
 痛之恩深義重故為之隆服入則經出則否○哀公

問曰紳委章甫有益於仁乎孔子作色而對曰君胡然焉衰麻苴杖者志不存乎樂非耳弗聞服使然也
 諒○斬衰三升齊衰四升五升六升大功七升八升九升小功十升十一升十二升總麻十五升去其半有事其縷無事其布曰總此哀之發於衣服者也
 制○斬衰何以服苴苴惡貌也所以首其內而見諸外也
 制○經也者實也
 制○或問曰冠者不肉袒何也曰冠至尊也不居肉袒之體也故為之免以代之也然則禿者不免偃者不袒跛者不踊非不悲也身有錮疾不可以備禮也故曰喪禮唯哀為主矣女子哭泣悲哀擊臂傷心男子哭泣悲哀稽顙觸地無容哀之至也或問曰免者以何為也曰不冠者之所服也禮曰童子不總唯當室總總者其免也當室則免而杖矣
 制○男子冠而婦人笄男子免而婦人髻其義為男子則免為婦人則髻
 制○或問曰杖者何也曰竹桐一也故為父苴杖苴杖竹也為母削杖削杖桐也或問曰杖者以何為也曰孝子喪親哭泣無數服勤三年身病體羸以杖扶病也則父在不敢杖矣尊者存故也堂上不杖辟尊者之處也堂上不趨示不遽也此孝子之志也人情之實也禮義之經也非從天降也非從地出也人情而已矣
 制○衰之楊也見美也弔則襲不盡飾也
 制○白虎通義曰玄冠不

以弔者不以吉服臨人示助哀也○凡見人無免經雖朝於君無免經唯公門有稅齊衰傳曰君子不奪人之喪亦不可奪喪也○男子除乎首婦人除乎帶男子何為除乎首也婦人何為除乎帶也男子重首婦人重帶除服者先重者易服者易輕者易服者何為易輕者也斬衰之喪既虞卒哭遭齊衰之喪輕者包重者特既練遭大功之喪麻葛重齊衰之喪既虞卒哭遭大功之喪麻葛兼服之斬衰之葛與齊衰之麻同齊衰之葛與大功之麻同大功之葛與小功之麻同小功之葛與總之麻同麻同則兼服之兼服之服重者則易輕者也
詳見變除練受服條○不能年之喪而總小功之察放飯流歎而問無齒決此謂不知務猛


儀禮經傳續卷第十二

喪通禮

喪禮十

補

凡喪父在父為主父沒兄弟同居各主其喪親同長者主之不同親者主之喪君所主夫人妻大子適婦闕士之子為大夫則其父母弗能主也使其子主之無子則為之置後雜婦之喪虞卒哭其夫若子主之附則舅主之禮虞主妾之喪則自附至於練祥皆使其子主之其殯祭不於正室卒禫記練大功者主人之喪有三年者則必為之再祭朋友虞附而已記凡主兄弟之喪雖疏亦虞之禮虞男



主必使同姓婦主必使異姓記○其無女主則男主拜女賓于寢門內其無男主則女主拜男賓于阼階下子幼則以衰抱之人為之拜為後者不在則有爵者辭無爵者人為之拜在竟內則俟之在竟外則殯葬可也喪有無後無主禮大○姑姊妹其夫死而夫黨無兄弟使夫之族人主喪妻之黨雖親弗主夫若無族人則前後家東西家無有則里尹主之或曰主之而附於大之黨雜○大夫不主士之喪記○士不攝大夫士攝大夫唯宗子同○大夫之喪庶子不受弔禮大○宗子為殤而死庶子弗為後也○養有疾者不喪服遂以主其喪非養者入主人之喪則不

易己之喪服

右主後○曾子問曰喪有二孤廟有二主禮與禮子曰天無二日土無二王嘗禘郊社尊無二上未知其為禮也昔者齊桓公亟舉兵作偽主以行及反藏諸廟廟有二主自桓公始也喪之二孤則昔者衛靈公適魯遭季桓子之喪衛君請弔哀公辭不得命公為主客入弔康子立於門右北面公揖遜升自東階西鄉客升自西階弔公拜興哭康子拜稽顙於位有司弗辨也今之二孤自季康子之過也禮子○公儀仲子之喪檀弓免焉仲子舍其孫而立其子檀弓曰何居我未之前聞也趨而就

子服伯子於門右曰仲子舍其孫而立其子何也
 伯子曰仲子亦猶行古之道也昔者文王舍伯邑
 考而立武王微子舍其孫臚而立衍也夫仲子亦
 猶行古之道也子游問諸孔子孔子曰否立孫彊
 ○司寇惠子之喪子游為之麻衰牡麻經文子辭
 曰子辱與彌牟之弟游又辱為之服敢辭子游曰
 禮也文子退反哭子游趨而就諸臣之位文子又
 辭曰子辱與彌牟之弟游又辱為之服又辱臨其
 喪敢辭子游曰固以請文子退扶適子南面而立
 曰子辱與彌牟之弟游又辱為之服又辱臨其喪
 虎也敢不復位子游趨而就客位坳○石駘仲卒

無適子有庶子六人卜所以為後者曰沐浴佩玉
 則兆五人者皆沐浴佩玉石祁子曰孰有執親之
 喪而沐浴佩玉者乎不沐浴佩玉石祁子兆衛人
 以龜為有知也坳○成公十有五年仲嬰齊卒仲
 孫嬰齊者何公孫嬰齊也曷為謂之仲嬰齊為兄
 後也為兄後則曷為謂之仲嬰齊為人後者為之
 子也其稱仲何孫以王父字為氏也嬰齊孰後後
 歸父也歸父使于晉未反何以後之叔仲惠伯傳
 子赤公子遂殺叔仲惠伯弑子赤而立宣公宣公
 死成公幼臧宣叔者相也君死不哭聚諸大夫而
 問焉曰昔者叔仲惠伯之事孰為之皆曰仲氏也

於是遣歸父之家然後哭歸父使晉還至榿聞君薨家遣墮帷哭君成踊反命于介自是走之齊魯人傷歸父之無後也於是使嬰齊後之春秋公商祝辨乎喪禮故後主人禮○大宗伯大喪則為上相禮大○世婦大喪凡王后有擗事於婦人則詔相禮大○大行人若有大喪則詔相諸侯之禮禮大○象胥凡國之大喪詔相國客之禮儀而正其位禮大○內小臣若有祭祀賓客喪紀則擯詔后之禮事相禮大○擯之禮事正內人之禮事禮大○肆師凡卿大夫之喪相其禮禮大○右祝相禮大○有若之喪悼公弔焉子游擯由左禮大

泄柳之母死相者由左泄柳死其徒由右相由右相泄柳之徒為之也禮大○杜橋之母之喪宮中無相以為治也禮大○孔子在衛司徒敬子之卒夫子弔焉主人不哀夫子哭不盡聲而退蘧伯玉請曰衛鄙俗不習喪禮煩吾子相焉孔子許之禮大君天下曰天子崩曰天王崩復曰天子復矣告喪曰天王登假措之廟立之主曰帝禮大○天子未除喪曰予小子生名之死亦名之諸侯在凶服曰適子孤死曰薨復曰某甫復矣既葬見天子曰類見言謚曰類天子死曰崩諸侯曰薨大夫曰卒士曰不祿庶人曰死在牀曰尸在棺曰柩死寇曰兵生曰父曰母曰

妻死曰考曰妣曰嬪壽考曰卒短折曰不祿禮曲○高

曰崩厚曰崩尊曰崩天子之崩以尊也春秋穀○大

凡生於天地之間皆曰命其萬物死皆曰折人死曰

鬼此五代之所不變也祭○復與書銘自天子達

於士其辭一也男子稱名婦人書姓與伯仲如不知

姓則書氏禮大○君存稱世子君薨稱子某既葬稱

子踰年稱公春秋公○未沒喪不稱君示民不稱君

也故魯春秋記晉喪曰殺其君之奚齊及其君卓坊

○春秋不稱楚越之王喪禮君不稱天大夫不稱君

恐民之惑也坊○祭稱孝子孝孫喪稱哀子哀孫卒

禘練祥○有父母之喪尚功衰而祔兄弟之殤則練

冠祔於殤稱陽童某甫不名神也禘練祥○祝稱卜

葬虞子孫曰哀夫曰乃兄弟曰某卜葬其兄弟曰伯

子某禮士喪○既正尸子坐于東方卿大夫父兄子姓

禮記

卷之三

四

禘練祥

禘練祥

禘練祥

禘練祥

禘練祥

禘練祥

禘練祥

禘練祥

禘練祥

禘練祥

禘練祥

禘練祥

禘練祥

位雜記

右名位○葬蔡平公蔡天子朱失位位在卑大夫
送葬者歸見昭子昭子問蔡故以告昭子昭子嘆
曰蔡其亡乎若不亡是君也必不終詩曰不解于
位民之攸暨今蔡侯始即位而適卑身將從之春秋
傳氏○曾子曰小功不為位也者是委巷之禮也
子思之哭嫂也為位婦人倡踊申祥之哭言思也
亦然禮

喪用三年之仇喪祭用不足曰暴有餘曰浩制○太
宰以九式均節財用三曰喪荒之失既○小宰以灋
掌祭祀朝覲會同賓客之戒具喪荒亦如之令百官

府共其財用上同○大府山澤之賦以待喪紀上同○外
府喪紀共其財用之幣齋上同○封人凡喪紀則飾其
牛牲牛人喪事共其奠牛圉人喪紀共其生獸死獸
之物獸人凡喪紀共其死獸生獸腊人喪紀共其脯
腊凡乾肉之事獻人喪紀共其魚之鱸羹醢人凡祭
祀共薦羞之豆實喪紀亦如之喪大○遷人喪事共
其薦籩羞籩外饗凡小喪紀陳其鼎俎而實之喪大
○掌客凡禮賓客札喪殺禮凡賓客死致禮以喪用
○六十歲制七十時制八十月制九十日脩唯絞紼
衾冒死而後制制○喪具君子恥具一日二日而可
為也者君子弗為也禮○大司徒以荒政十有二聚

萬民八曰殺哀地○鄉師正歲稽其鄉器比共吉凶
 二服族共喪器鄉共吉凶禮樂之器上○閭師凡庶
 民不樹者無槨不績者無衰上○司市國凶荒札喪
 則市無征而作布上○泉府凡賒者喪紀無過三月
 冏○鄼長以時校登其夫家比其衆寡以治其喪紀
 祭祀之事上○土均禮俗喪紀祭祀皆以其地媿惡
 為輕重之灋而行之掌其禁令上○朝士若邦凶荒
 札喪則令邦國都家縣鄙慮刑貶上○小行人若國
 札喪則令賻補之上○司門凡財物犯禁者舉之以
 其財養死政之老與其孤地
 右財用○隱公三年秋武氏子來求賻喪事無求

求賻非禮也○文公九年毛伯來求金非禮也不
 書王命未葬也左氏○子思曰有其禮無其財君
 子弗行也有其禮有其財無其時君子弗行也禮
 義○孔子曰斂手足形還葬而無槨稱其財斯之
 謂禮上○子柳之母死子碩請具子柳曰何以哉
 子碩曰請粥庶弟之母子柳曰知之何其粥人之
 母以葬其母也不可既葬子碩欲以賻布之餘具
 祭器子柳曰不可吾聞之也子碩不家於喪請班
 諸兄弟之貧者禮○孟獻子之喪司徒旅歸四布
 夫子曰可也上
 喪事主哀禮○君子以喪過乎哀禮○子曰喪與

其易也寧戚喪禮○曾子曰吾聞諸夫子人未有自致者也必也親喪乎論○子游曰喪致乎哀而止論○子路曰吾聞諸夫子喪禮與其哀不足而禮有餘也不若禮不足而哀有餘也喪禮○子曰臨喪不哀吾何以觀之哉論○始死充充如有窮既殯瞿瞿如有求而弗得既葬皇皇如有望而弗至練而慨然祥而廓然禮○縣子曰三年之喪如斬期之喪如剡雜○居喪不言樂論○聞樂不樂論○孔子曰衰麻苴杖者志不存乎樂非耳弗聞服使然也論○父有服官中子不與於樂母有服聲聞焉不舉樂妻有服不舉樂於其側大功將至辟琴瑟小功至不絕樂雜○

大司樂諸侯薨令去樂大臣死令弛縣○君於卿大夫比卒哭不舉樂為士比殯不舉樂雜○節衣順變也喪禮○三日而食三月而沐期而練毀不滅性禮○右哀戚○孔子曰少連大連善居喪三日不怠三月不解期悲哀三年憂東夷之子也雜○顏丁善居喪始死皇皇焉如有求而弗得及殯望望焉如有從而弗及既葬慨然如不及其反而息禮○高子旱之執親之喪也泣血三年未嘗見齒君子以為難禮○孟獻子禫縣而不樂比御而不入夫子曰獻子加於人一等矣祥禫○孔子既祥五日彈琴而不成聲十日而成笙歌禮○衛定公卒

夫人姜氏既哭而息見天子之下哀也不內酌飲
 嘆曰是夫也將不唯衛國之敗其必始於未正人
 嗚呼天禍衛國也夫吾不獲鯁也使主社稷大夫
 聞之無不聳懼春鞅左○立公子稠穆叔不欲曰
 是人也居喪而不哀在感而有嘉容是謂不度不
 度之人鮮不為患武子不聽卒立之比及葬三易
 衰衰衽如故衰於是昭公十九年矣猶有童心君
 子是以知其不能終也春鞅左○九月葬齊歸公
 不感晉士之送葬者歸以語史趙史趙曰不思親
 祖不歸也叔向曰魯公室其卑矣君有大喪國不
 廢鬼有三年之喪而無一日之感國不恤喪不忌

君也君無感容不顧親也國不忌君君不顧親能
 無卑乎殆其夫國春鞅左○衛石共子卒悼子不
 哀孔成子曰是謂廢其本必不有其宗春鞅左○
 孔子之故人曰原壤其母死夫子助之沐椁原壤
 登木曰久矣予之不託於音也歌曰狸首之斑然
 執女手之卷然夫子為弗聞也者而過之從者曰
 子未可以已乎夫子曰丘聞之親者母失其為親
 也故者母失其為故也檀○六月乙丑王太子壽
 卒秋八月王穆后崩晉荀躒如周葬穆后籍談為
 介既葬除喪以文伯宴樽以魯壺王曰伯氏諸侯
 皆有以鎮撫王室晉獨無有何也籍談歸以告叔

儀禮續卷十二

向叔向曰王其不終乎王一歲而有三年之喪二
 焉於是乎以喪賓宴又求彝器樂憂甚矣且非禮
 也三年之喪雖貴遂服禮也王雖弗遂宴樂以早
 亦非禮也春鞅左○祀孝公卒晉悼夫人喪之平
 公不徹樂非禮也春鞅左○吳公子札自衛如晉
 宿於戚聞鐘聲焉曰夫子獲罪於君以在此懼猶
 不足而又何樂夫子之在此也猶燕之巢於幕上
 君又在殯而可以樂乎遂去之文子聞之終身不
 聽琴瑟春鞅左○知悼子卒未葬平公飲酒師曠
 李調侍鼓鐘杜蕢自外來聞鐘聲曰安在曰在寢
 杜蕢入寢寢階而升酌曰曠飲斯又酌曰調飲斯

又酌堂上北面坐飲之降趨而出平公呼而進之
 曰爾飲曠何也曰子卯不樂知悼子在堂斯其為
 子卯也大矣曠也大師也不以詔是以飲之也爾
 飲調何也曰調也君之褻臣也為一飲一食忘君
 之疾是以飲之也爾飲何也曰蕢也宰夫也非刀
 匕是共又敢與知防是以飲之也平公曰寡人亦
 有過焉酌而飲寡人杜蕢洗而揚觶謂待者曰如
 我死則必毋廢斯爵也至于今既畢獻斯揚觶謂
 之杜舉彊○昭十有五年二月癸酉有事于武宮
 籥入叔弓卒去樂卒事君在祭樂之中聞大夫之
 喪則去樂卒事禮也君在祭樂之中大夫有變以

聞可乎大夫國體也古之人重死君命無所不通

春秋穀梁傳 ○襄公三十有一年公薨于楚宮立胡女

敬歸之子子野次于季氏秋九月癸巳卒毀也春秋

左氏

居倚廬晝夜無時既虞朝一哭夕一哭而已既練哭

無時禮 ○父母之喪哭無時使必知其反也禮

義 ○斬衰之哭若往而不反齊衰之哭若往而反大

功之哭三曲而偯小功緦麻衰容也此哀之發於聲

音者也禮 ○曾申問於曾子曰哭父母有常聲乎曰

中路嬰兒失其母焉何常聲之有禮 ○無事不辟廟

門哭皆於其次禮 ○童子哭不偯不踊不杖不菲不

廬禮 ○祥而外無哭者禫而內無哭者祥禫 ○

國祭哭則止朝夕之奠即位自因也禮 ○祭之日喪

者不哭不敢凶服禮 ○孔子惡野哭者禮 ○公七

踊大夫五踊婦人居間士三踊婦人皆居間禮 ○士

備入而後朝夕踊禮 ○孔子曰伯母叔母疏衰踊不

絕地姑姊妹之大功踊絕於地如知此者由文矣哉

由文矣哉禮 ○戚斯嘆嗟斯辟斯踊品節斯斯之

謂禮義禮 ○啟者不踊禮

右哭踊 ○弁人有其母死而孺子泣者孔子曰哀

則哀矣而難為繼也夫禮為可傳也為可繼也故

哭踊有節禮 ○子蒲卒哭者呼滅子臯曰若是

野哉哭者改之禮○文伯之喪敬姜據其牀而不
哭曰昔者吾有斯子也吾以將為賢人也吾未嘗
以就公室今及其死也朋友諸臣未有出涕者而
內人皆行哭失聲斯子也必多曠於禮矣夫禮○
穆伯之喪敬姜晝哭文伯之喪晝夜哭孔子曰知
禮矣禮○華周杞梁之妻善哭其夫而變國俗猛
周禮保氏掌諫王惡而養國子以道乃教之六儀四
曰喪紀之容禮○斬衰貌若直齊衰貌若京大功貌
若止小功總麻容貌可也此哀之發於容體者也禮
○喪容墨墨色容顛顛視禮合瞿瞿梅梅言容繭繭禮
○君子衰經則有衣色禮○喪事欲其縱縱爾吉事

欲其折折爾故喪事雖遽不陵節吉事雖止不怠故
騷騷爾則野鼎鼎爾則小人君子蓋猶猶爾禮○居
喪之禮毀瘠不形視聽不衰禮○視不明聽不聰行
不正不知哀君子病之○孔子曰身有瘍則浴首有
創則沐病則飲酒食肉毀瘠為病君子弗為也毀而
死君子謂之無子禮○子貢問喪子曰敬為上哀次
之瘠為下顏色稱其情感容稱其服禮○毀不危身
喪禮○毀不滅性禮○五十不致毀六十不毀○三
月而沐○凡喪小功以上非虞祔練祥無沐浴禮○虞
○妻視叔父母姑姊妹視兄弟長中下殤視成人禮
右容貌

周禮大祝辨九擗五曰吉擗六曰凶擗○為父母長
子稽顙大夫弔之雖總必稽顙婦人為夫與長子稽
顙其餘則否懷耶○為妻父母在不杖不稽顙母在
不稽顙稽顙者其贈也拜雜○婦人吉事雖有君賜
肅拜為尸坐則不手拜肅拜為喪主則不手拜儀○
非為人喪問與賜與三年之喪以其喪拜非三年之
喪以吉拜雜○孔子曰拜而后稽顙頽乎其順也稽
顙而后拜頽乎其至也三年之喪吾從其至者喪禮
右拜拱○秦穆公使人弔公子重耳重耳稽顙而
不拜穆公曰稽顙而不拜則未為後也○孔子與
門人立拱而尚右二三子亦皆尚右孔子曰二三

子之嗜學也我則有姊之喪故也二三子皆尚左

斬衰唯而不對齊衰對而不言大功言而不議小功
總麻議而不及樂此哀之發於言語者也禮○三年
之喪言而不語對而不問雜○父母之喪寢苦枕函
非喪事不言既葬與人立君言王事不言國事大夫
士言公事不言家事既練君謀國政大夫謀家事禮
記○言容禮○居喪不言樂禮○子張問曰
書云高宗三年不言言乃讙有諸仲尼曰胡為其不
然也古者天子崩王世子聽於冢宰三年禮○三年
之喪君不言書云高宗諒闇三年不言此之謂也然

而曰言不文者謂臣下也喪服○百官備百物具不言而事行者扶而起言而后事行者杖而起身自執事而后行者面垢而已垌○子夏問於孔子曰居君之母與妻之喪如之何孔子曰居處言語飲食術爾於喪所則稱其服而已諒

右言語

斬衰簡屨杖而歆粥者志不在於飲食歆戴○歆粥朝一溢米夕一溢米既虞疏食水飲既練始食菜果飯素食藜藿○斬衰三日不食齊衰二日不食大功三日不食小功緦麻再不食士與斂焉則一不食故父母之喪既殯食粥朝一溢米莫一溢米衰齊之喪

疏食水飲不食菜果大功之喪不食醯醬小功緦麻不飲醴酒此哀之發於飲食者也父母之喪既虞卒哭疏食水飲不食菜果期而小祥食菜果又期而大祥有醯醬中月而禫禫而飲醴酒始飲酒者先飲醴酒始食肉者先食乾肉鬮○三日而食衰戚○功衰食菜果飲水漿無鹽酪不能食食鹽酪可也雞○周禮膳夫王日一舉大喪則不舉馔○君之喪子大夫公子衆士皆三日不食子大夫公子食粥納財朝一溢米莫一溢米食之無筭士疏食水飲食之無筭夫人世婦諸妻皆疏食水飲食之無筭大夫之喪主人室老子姓皆食粥衆士疏食水飲妻妾疏食水飲士

亦如之既葬主人蔬食水飲不食菜果婦人亦如之
君大夫士一也練而食菜果祥而食肉食粥於盛不
鹽食於簋者鹽食菜以醯醬始食肉者先食乾肉始
飲酒者先飲醴酒期之喪三不食食蔬食水飲不食
菜果三月既葬食肉飲酒期終喪不食肉不飲酒父
在為母為妻九月之喪食飲猶期之喪也食肉飲酒
不與人樂之五月三月之喪一不食再不食可也此
葬食肉飲酒不與人樂之叔母世母故主宗子食肉
飲酒不能食粥羹之以菜可也有疾食肉飲酒可也
五十不成喪七十唯衰麻在身記喪大○居喪之禮頭
有割則沐身有瘍則浴有疾則飲酒食肉疾止復初

不勝喪乃比於不慈不孝五十不致毀六十不毀七
十唯衰麻在身飲酒食肉處於內禮曲○喪食雖惡必
克飢飢而廢事非禮也飽而忘哀亦非禮也視不明
聽不聰行不正不知哀君子病之故有疾飲酒食肉
五十不致毀六十不毀七十飲酒食肉皆為疑死雜
○曾子曰喪有疾食肉飲酒必有草木之滋焉以為
薑桂之謂也禮檀○既葬若君食之則食之大夫父之
友食之則食之矣不辟梁肉若有酒醴則辭禮喪大○
有服人召之食不往大功以下既葬適人人食之其
黨也食之非其黨弗食也雜○三年之喪如或遺之
酒肉則受之必三辭主人衰經而受之如君命則不

敢辭受而薦之喪者不遺人人遺之雖酒肉受也從父昆弟以下既卒哭遺人可也同○視君之母與妻比之兄弟發諸顏色者亦不飲食也同○居君之喪與妻之喪飲食術爾

右飲食○曾子謂子思曰伋吾執親之喪也水漿不入於口者七日子思曰先王之制禮也過之者俯而就之不至焉者跂而及之故君子之執親之喪也水漿不入於口者三日杖而後能起強○樂正子春之母死五日而不食曰吾悔之自吾母而不得吾情惡乎用吾情同○悼公之喪季昭子問於孟敬子曰為君何食敬子曰食粥天下之達禮

也吾三臣者之不能居公室也四方莫不聞矣勉而為瘠則吾能毋乃使人疑夫不以情居瘠者乎哉我則食食同

宮正大喪則授廬舍辨其親踈貴賤之位喪大○射人作卿大夫掌事比其廬不敬者苛罰之○哭皆於其次記○居倚廬寢苫枕塊既虞剪屏柱楣寢有席既練舍外寢喪服斬○童子不廬○父母之喪居倚廬寢苫枕塊不說經帶齊衰之喪居堊室芊剪不納大功之喪寢有席小功緦麻沐可也此哀之發於居處者也父母之喪既虞卒哭柱楣翦屏芊剪不納期而小祥居堊室寢有席又期而大祥居復寢中月而

禫禫而牀欄○三年之喪廬堊室之中不與人生焉
 在堊室之中非時見乎母也不入門疏衰皆居堊室
 不廬廬嚴者也雜○父母之喪居倚廬不塗寢苦枕
 函非喪事不言君為廬宮之大夫士禮之既葬柱楣
 塗廬不於顯者君大夫士皆宮之凡非適子者自未
 葬以於隱者為廬喪大○既練居堊室不與人居既
 祥黜堊禫而從御吉祭而復寢期居廬終喪不御於
 內者父在為母為妻齊衰期者大功布衰九月者皆
 三月不御於內婦人不居廬不寢苦喪父母既練而
 歸期九月者既葬而歸公之喪大夫士俟練士卒哭
 而歸大夫士父母之喪既練而歸朔月忌日則歸哭

于宗室諸父兄弟之喪既卒哭而歸父不次于子兄
 不次于弟同○父不為衆子次于外喪服○大夫次
 於公館以終喪士練而歸士次於公館大夫居廬士
 居堊室雜○有憂者側席而坐有喪者專席而坐禮
 ○夫晝居於內問其疾可也夜居於外弔之可也是
 故君子非有大故不宿於外非致齊也非疾也不晝
 夜居於內禮○居君之母與妻之喪居處術爾
 右居處

居喪之禮升降不由阼階出入不當門隧禮○齊衰
 不以邊坐大功不以服勤禮○居喪未葬讀喪禮既
 葬讀祭禮喪復常讀樂章禮○大功廢業或曰大功

誦可也。禮○男女非祭非喪不相授器其相授則女
 受以篚其無則皆坐奠之而后取之。納○疏衰之喪
 既葬人請見之則見不請見人小功請見人可也。大
 功不以執摯唯父母之喪不辟涕泣而見人。雜○既
 練君謀國政大夫士謀家事。禮大○君既葬王政入
 於國既卒哭而服王事大夫士既葬公政入於家既
 卒哭弁經帶金革之事無辟也。禮○庶人喪不貳事
 註○父之喪三年不從政齊衰大功之喪三月不從
 政。禮○三年之喪祥而從政期之喪卒哭而從政九
 月之喪既葬而從政小功緦之喪既殯而從政。雜
 右動作○僖公九年公會齊侯宋子衛侯鄭伯許

男曹伯于葵丘宋其稱子何也未葬之辭也。禮。柩
 在堂上孤無外事今背殯而出會以宋子為無哀
 矣。梁。榘。穀。○文公十有六年秋八月辛未夫人姜
 氏薨毀泉臺喪不貳事貳事緩喪也。禮。○子夏曰
 金革之事無辟也者非與孔子曰吾聞諸老聃曰
 昔者魯公伯禽有為為之也。禮。○子墨衰經敗
 秦師于殽。○古者臣有大喪則君三年不呼其門
 已練可以弁冕服金革之事君使之非也。臣行之
 禮也。閔子要經而服事既而曰若此乎古之道不
 即人心退而致仕孔子蓋善之也。

儀禮經傳續卷十二

[Faded vertical text columns]

[Faded vertical text columns]

